



07223

道腴堂詩編卷第二十二

雲中

鮑參

辛浦

後吳興集戊

世宗憲皇帝輓詩二十四韻

中正觀天下興朝泰運亨乘乾參 列祖出震御羣氓咸五超隆  
 古登三集大成知周恢道濟仁育體天行悠久原無息中和本至  
 誠質文詳損益制度備休明薦帝郊親祀勤民積歲耕賜租還給  
 復伐叛不佳兵盡力通溝洫營田竭水衡教思垂 廣訓政術闡  
 惟精典禮千秋舉規撫百世程 廟謨青海靖千舞有苗平童叟  
 三多祝梯航萬歲聲芝徵喬嶽產蒼黃 景陵生甘露恩膏沃慶  
 雲化日晴五星聯的皜兩曜合晶瑩在野遊麟見啣書儀鳳鳴醴  
 泉流厥沸河水效澄清淳樸民於變嘉祥歲屢盈聖神調玉燭仙  
 佛萃珠英宵旰方逾紀都令 載唐忽傳真冷降遽受大行名盛  
 德符 尊謚神功籍史宸鼎湖龍馭遠濡涓洎寫哀情

道腴堂詩編卷第二十二

一

贈黎丈滄曙

黃金臺畔叙情親十二年中 敬頌憶我亡羊剛厄閏當君得馬  
 正逢辰 先生以雍正甲辰歲 河陽去後俱花信彭澤歸來膽為巾愁對青  
 衫慚墨綬鬢一 樣白如銀

聞黎丈稱述武夷舊遊

愛君遊宦後矢口只談詩泛尾尋蒼雪扶筇贊武夷青山謝公興  
 白首尚平期鞵屨從茲始彈文詎足悲附龍商城今

茶興

渴夢耽香茗仙芽重蔣村味深嘗諫果色勝采蘭蓀掃葉供幽興  
 添酥助雅言莫成風月友滌盡世塵煩

新詞六首

庭心有嘉樹小鳥日迴旋枝枝作連理與儂結香緣  
 佳實信可甘津津常在慧明珠本不殊無雙今有二  
 佩玉人為玉判花貌即花無嫌奉箕帚有興倚蒹葭

偷閑攜素手密坐蛩蛩履烏時交錯芳蘭掇穗駢  
結屋湖邊住荷花不讓鮮房中抱蓮子得藕在牀前  
寶玉不累德香橙好贈情人間寧有價君子重佳名

吳江王載揚逗留邗上與閑廉風作燈花聯句詩并紅橋  
秋禊詞刻牋郵示漫題一首

冶春人去紅橋冷高咏清秋禊事新賸有閑情屬蛾蝶笙歌惱亂  
竹西鄰

有赴蝶不  
赴蝶句

閑時

閑時常自惜風月重千金唯唯嘉魚品嚶嚶熟鳥音情從詩裏摯  
春好意中尋不作襄王夢高唐賦誨注

井養齋落成漫興

誰憐五斗折腰頻一室荒蕪欲置陳學步未遑文法吏微軀不逮  
綺羅人墻東剝竹閑開徑笥上移書自卜鄰時聽銀牀牽素綆清  
冷涓滴淨根塵

道腴堂詩編卷第十二

二

閑事

林光初度曉窗霞半掩閑門晝漏賒月幌移燈親好影地爐留火  
致真茶鍾情鳥語矜人意作蓮心苗慰眼花十二時中隨分足黃  
金何用變丹砂

池上

雨過寒林雪意紛繫鞋行藥暮烟曛樹頭風舞蕭蕭葉池面萍開  
淙淙雲飛鷓鴣盤空欣戢影浴鵝浮水變成羣荒涼解圃如村落耳  
冷煩敲漫不聞

曉興

殘缸影裏透晨光卧聽寒空度雁行肆赦罄除罔絜蠲租稍釋  
簿書忙閑因病得非關懶老爲情牽不諱狂莫道勞人官職小年  
來妄念迥消亡

燕窩八韻

曾看閩小紀舟室異新名滄海憑浮渡烏衣棄舊營肉脩修禁鬱

芳飪謝侯鯖品重銀絲膾肴矜玉糝羹華筵稱特達珍饈首豐盛  
染指無貧士垂涎有陋生食單門下議口實病夫羸十載甘藜藿  
鄉心漫自驚

寄姚玉裁

愛閑多病半年餘僻左山城人事疎素髮不禁懷友夢烏絲何意  
得君書安身絕事冬將至掃地焚香習未除極目蓮莊衣帶水空  
明寒鑑好樓居

壽姚玉裁

屈指君今四十強月當長至復初陽交游廿載太疎忽落拓半生  
俱老蒼祇以會叨一日長相於聊獻大年章憑將不朽千秋業藉  
甚聲華翰墨場

齋居時祀

苦雨綿綿已浹辰曉風吹雪瓦溝新頁言時有分金客執手初無  
問疾人斗室焚香消世慮一官隨遇率吾真悠然愛聽枝頭鳥刷

道腴堂詩編卷第二十二

三

羽呼晴頗自馴

冬日漫興

自把繁華冷眼看任將寒素笑麤官毳衣近綴狐千腋晶飯常餐  
月一盤流目烟雲皆我有放情花鳥盡相歡瓊英玉蕊人間貴燕  
石無爭喜獨完

雜述

長風高柳散荒坪犢鼻新禪白苧輕魚翠歷塘蟬噪暑綠蟲棲草  
蝶尋盟花繁樓角芳春晚雪冷河涯霽景清布韞行纏隨處好青  
山一桁眼俱明

小遊仙三首庚戌仲冬逸作

偶隨列子御風行又向扶桑見日生覓得返魂香一縷可堪太上  
未忘情

銀河渺渺度張星博望槎回不楚停十二樓中冰雪冷元龜元鶴  
兩沉冥

天姥吟成夢已空底須占訊大王公春光不遠人間世瑤草琪花  
雨露同

漫興

風流漫與話閑情天下誰人不意傾宗炳卧遊琴動操劉伶頌德  
酒爲名珠林玉府縹囊富飾羽雕鱗藻思精解道雙聲佳婢子冠  
軍何減鄭康成

至前第二雪二首

庭寒雨雪又霏霏巧嘆天工翦水飛謝女聯吟風絮起何郎擬議  
玉塵非斜侵苔壁魚鱗積亂颺梅枝蒂鄂稀愁亞窗前數竿竹籠  
爐時自啓雙扉

同雲漠漠六花妍晝短寒嚴小至前萬景昭蘇之一日一人有慶  
萬斯年曰暘曰雨天心見多黍多稌歲事全點點即官鬚鬢似北  
臺清興擬連篇

晝溪雪後

道腴堂詩編卷第二十二

四

篷罽逗曦景雲開山色中瀨寒水縹碧林瑟葉殷紅掩草禁雨雪  
厓花歷朔風披裘一遊眼久病減衰翁

冬日行巖洞兩山間作

佳境依然路不岐好懷應許幾人知飛鴻印雪當前度語鳥呼晴  
及爾時松石蒼涼無世態雲泉窈窕卽幽期閉關墮戶違時令刺  
促空山半日思

咏吳興軼事三絕句寄金徵君壽門楊茂才誨仲

浪跡何人客魯公柳塘消盡白蘋風龜齡鴻漸稀延致裹足吳均  
纈入東

歎望甘棠但息心庭堂千里戟門深扁舟歸趁溪風便圓月孤雲

思不禁

唐朱灣于湖州撰使君不遇獻書云云

六客堂空三徑荒無人吟嘯水雲鄉延陵去後風流歇寂寞殘山

冷夕陽

吳蘭次龍湖州梅村贈詩有客比亂山多之句

卽景

野徑行無序，踣跚歷翠微。晴雲多遠映，寒雁不孤飛。潦淨初融雪，泥深欲濺衣。經時亦蕭散，何用卸犀圍。

倉署雜題五首

老屋無多地，窗虛愛日烘。三冬籠鳥似，廿載磨驢同。偶靜得佳趣，習勞成病翁。囊書兼案牘，夜倦奚童任處脂膏地。但居廉讓間，游依少文卧。情寄老夫閒，隨遇且延賞。安心可駐顏，莫教狐鼠輩相逼。髮毛斑，弗慕高官職，悠悠半世名。青春花月夜，綠醕綺羅情。風貌鏡中老，霜髭鑷後生。茶甘香正暖，心境若爲清。滌研無貪墨，薰香不染時。名山探載籍，良藥侍家貲。俸薄稀留客，才庸每退思。聲牙希漫叟，擬錄篋中詩。愛此溪山雋，因循懶筮塗。聲名沿六代，秀麗接三吳。飽食圩田稻，狂吟箸水舫。詎知旌戟貴，只在荻蘆。

疊前韵答姚茂才

道腴堂詩編卷第二十二

五

計日江春入，歲餘寒齋漸。喜病魔疎已，聞君實重爲。相謂高安相國屢慶王言不勝書，鄭重鱣魚來。下若聯翩乾鵠噪，前除開緘頓使風塵吏一笑。長吟慰索居。

還署口占

纔報陽回臘，又臨偶尋荒徑得。開心自從庭桂飄香後，一樹梅花開到今。

紀慶

浩蕩春臺化日舒，熙熙民物盡恬如。太平有象無疆慶，新奉乾隆時憲書。

退食再疊前韵

一飽官厨少棄餘，未教蔬笋氣全疎。家雞野鷺同充饌，水碧茶清佐讀書。常恐素餐譏莫追，誰知肉食鄙難除。買田淮潁兼陽羨，擬向歐蘇問卜居。

寫懷

肉食何知道勝肥折腰頻歲減腰圍山貲粗給中人產野服常攜  
大布衣陶寫無妨欣樂趣沉吟未覺性情非平生不恥居人後一  
任酸鹹與世違

鄉民獻野羊

珍珠傳榆塞游臬賦上林五湖蝦菜好得此重兼金

治藥

半世苦言藥刀圭動滿囊日消五石散俸損千金方未老衰先見  
多愁樂久妨三椹靈易致夜夜盼搖光

蚤發

被暖曙鐘寒披衣起夜闌栖栖將竟日僕僕此微官雨舫恒思卧  
烟篷強勸餐眼前鳧雁侶相習且盤桓

風阻雨泊

只赤愁風水宵長獨廢眠唾壺聊自擊官燭已頻難歷歷寒溪曲  
瀟瀟碎雨天忘情羨三老枕簟牀牀邊

道腴堂詩編卷第二十二

六

放羊

以野羊奉太守太守却之報書云聞係明末之物野老多有見之  
者似此壽羊世所希有幸丐其命縱之深山邃谷中可也因命小  
吏載往弁山龍華寺作詩紀之

偶離林藪觸藩行仙籍由來幸有名不食人間烟火食縱還山野  
遂長生

沈樛崖重爲寫雙溪詩話圖并題一絕句賦答

勝事何由續眼前藉君橫幅寫當年畫中詩與詩中話不遇解人  
休浪傳

殘夜

沈詩云畫裏當年一棹橫幾人曾與鷺鷥  
盟重來照影雙溪水猶似鮑家詩格清

夢迴閑聽漏如何擁被挑燈獨寤歌南國不寒春意早三冬無雪  
雨聲多宦情蕭淡愁難遣歲事紛紜興未磨見說玉梅香吐夢賞  
心殊勝藥罇病

兌漕紀事

老鼠橋邊織路長紛紛冠蓋鎮相望腰當送往迎來折神爲求全  
責備傷似水清心虛測度如珠精鑿枉論量歲寒差喜春將至荆  
棘叢中梅自芳

冬泛

一冬冰雪少春近氣偏寒草樹蕭寥意雲山黯澹觀扁舟自演漾  
淺渚不波瀾冷眼多閑趣天涯又歲殘

近出

數里烟波路不逢寒林晴壑映周遭溪翁放鴨浮孤艇村犬隨人  
過野橋忙裏抽閑牽吏事眼前觸興備風謠病餘近覺身粗健不  
憚雙燒處處搖

鎖印後作

營營漕事幸將完時歷冬春歲序闌被擁黃綢放衙晚室生虛白  
卧遊竟如糜吏散公庭沸似水心平古井瀾底用栴榔爲消食眼  
無俗物喜加餐

道腴堂詩編卷第二十二

七

臘月廿三日立春夜雨

長風捲樹作潮聲瓦上琤潺飛雨鳴乍覺微寒生敝絮漫教殘夢  
耿孤檠持籌力瘁三冬足聚米功虧一簣成時尚留宿食舍且擬優游聊卒  
歲冰霜凜冽莫相撻

遣悶

竟日同雲水墨昏晚來急霰灑窗繁踈鐘遠應荒城柝密坐閑消  
永夜樽歲杪情懷從落穆天涯風景耐寒温俸錢半束公家庫蕭  
瑟空囊孰與論

紀興

一夜嚴寒絮被輕朔風袞袞送朝晴公家案牘東高閣遊客名牋  
如踐更千里裁書郵舊雨二餐裹腹飯新秬金雞喜聽重頒赦紫  
誥恩叨一級榮時閣副抄恭聞世宗憲皇帝上尊號覃恩

送客感事

雲寒風緊若溪頭度歲人歸各喚舟白日從他過駒隙青山引我

覓菟裘廿年拙宦傷今昔半老生涯任去留可奈羽書勞使相海波時及五湖流

梁溪種太保督修海塘無閒歲暮興工  
弊繁重夫石匠之役邑民不得休息

### 寄答登齋掾曹并令姪伯純見懷之作

致書郵至喜開緘阮氏風流憶籍咸七字相於惠新咏一官猶未  
換頭銜青雲蘭譜交無閒家寶芝英品不凡魏我白頭成傲吏孤  
情與世頗酸鹹

### 夢上高樓望泰山

疊嶂連巖似列屏橫雲一抹亘云亭依稀三十年前見齊魯猶餘  
未了青

### 送嚴松瞻明府應試博學宏詞入都二首

名原前進士特達復殊科學敵蕭山富詞矜秀水多論交忝僑札  
激賞附羊何五字勞相贈金城譽不訛初冬序奇  
五詩留別  
歲殘官閣靜案牘喜無遺罷寫宜春帖時居國喪閑吟錄別詩蜚聲羨  
華省翔步企彤墀拋却勞人職雲霄振羽儀

### 道腴堂詩編卷第二十二

八

### 戒烟偈

劉伶斷酒誑婦謀陸羽毀茶謝身辱食肉是祿不食福口實何勞  
門下議我生一物不將來習俗薰染烟火氣須臾不離三十白造  
次顛沛必於是即今漸老諸疾作屏除執焰勝良藥堅持戒力割  
愛根狂象毒龍旋制伏心如死灰不復然絕口何嘗與飢渴始悟  
病原由口入一切虛空噉無味

### 乾隆元年元旦作

元年元旦運重新蕩蕩如天頌一人律轉縹囊當紀慶時逢玉燭  
正調辰筵開栢葉一罇酒花發官梅五度春解道東皇初布澤土  
膏萌動雨膏均

### 曉發郡城遊高黃兩同寅西堰看梅四首

披衣早起隔船招十里溪行霧乍消暫乞閑身懸綬帶漸臨佳境  
入村橋昔遊如夢情難遣今日同心興轉饒花自半開人半老帽  
簷斜插漫相嘲

林落迴環壑迷青山渺渺問禪棲逢僧索煮花間茗采隱行尋  
世外溪樹藝何殊馬塍粟風光別是武陵溪山中花息桃梅各居其半高情相洽  
無拘束隨意乘興與杖藜

共道良辰美景難賞心樂事且盤桓韓墳選石聊延憩求仲先生墓上松柏最茂朱

鵬名村傳孟任聚觀步步引人還入勝行行把臂罄交歡平生愛作

羅浮夢便欲投簪賦考槃

索笑攀林次第分點如殘雪浩如雲春風香暖花全放落日人歸

酒半醺此際溪山叨作主他時劉阮訂同羣復有看桃之約雅遊自屬漁樵

興冠蓋場中莫浪聞

人日寄王載揚京師

常侍當年寄拾遺吳興今日寄京師念念不暇作古體七字惟成

絕句詩

獨坐

官舍靜如村人閑愛閉門梅花香細雨詩興動黃昏春早班殘臘

道腴堂詩編卷第二十二

九

辰良近上元開襟從暇逸轉眼簿書繁

梅花引

春城花信催芳樹梅花枝上春先度江南春色五湖多寒香馥馥

生官署巡檐索笑綺窗前舊夢新歡二十年人與梅花同臭味花

將人意共纏綿幾迴刺促人將老數番開謝花仍好今歲花時懶

出門清晨相對到黃昏座中花氣濃於酒不用花前更舉樽

梅梢

風庭雨徑倦相攀靜掩筠窗一室閑香襲膽瓶臨研沼枝橫磁斗

映屏山清宵倚幌常延坐踈影移燈幾破顏自笑年來有梅癖老

夫無乃太癡頑

龍華寺道中

山谿林藏寺迢遙石徑平泉鳴沙磳碧風通谷音清松竹無塵色

芻蕘有逸情待梅如噉蔗漸使世緣輕待梅亭距寺門數百步

贈龍華寺主越山和尚

彈指三生事廿年隨喜頻又聞僧退院和尚於雍正癸丑主席余因禱雨過訪今年矣獨往綬垂

身苦海皆勞吏禪衢少替人與公同一笑雲水且相親

由瑞公塔院至六和泉小憩

披草踐樵跡巖叢極望深窮源隨曲澗入谷轉幽林行滑石頭路坐澄泉上心看僧理茶圍拂石久憑襟

看梅

堂背朱英爛南榮綠萼齊春風日飄忽芳草漸萋迷樹底蜂爭蕊東家蝶向西連朝晴意穩烟月好相攜

咏事

忽暖忽寒春氣賒韶光漸次過梅花愛從市上移蘭草喜向墻頭見柳芽鳥語靜時茶正熟雲陰散處日初斜簿書刺促行將及待謁旌門送傳車時距開印四日聞上蔡中丞得吉內召無錫使相代其事

瑞香花

愛此風流樹名花號麝囊蓬萊應賜紫睡夢覺聞香認葉枇杷族

道腴堂詩編卷第二十二

十

通家茉莉行誠齋詩集補通家述廬山山寺裏餘韵想南唐

春陰

黯黯春陰鶯鶯催雨聲前夜已聞雷麴塵映戶看新柳紅雪侵堦有落梅愁夢未教清興減鳴禽時送好音來行藏落落將焉決過眼流光負酒杯

尹村橋道中作

田水赴溪流村梅遠映舟晴嵐迷列壑殘荻聚環洲貓石林端出龜山樹杪浮暫乘行役暇吟眺坐銷憂

晚發郡西觀漁火

春霧濛濛夕浴澗三里亭連山昏似墨遠火亂如星明滅時無定參差自不停扁舟隨路照倦眼喜惺惺

開象

梅花林畔吏成行糜沸聲中度暗香侵曉排衙看畫卯如僧說法聽開堂年光彈指征徃起春色勞人簿領忙莫把鬣絲輕悃悃紛

紛桃李笑河陽

閑齋遣興

列植陰陰小徑遮，盆池蒼翠映苔花。  
殘梅浮水魚鱗積，細竹迎風鸞尾斜。  
深院無喧來野鳥，壞垣不整似山家。  
安心且作偷閑計，一任蚍蜉蠧子譁。

喜晴

朝來步履向池干，閑看奚童掃徑寬。  
雨雨風風梅落盡，櫻桃花放又春寒。

李仙盤遠自金陵寄遺食物種種賦此報謝

十年一見又離羣，望斷江東日暮雲。  
千里相思建業水，雙魚遙遞箸溪濱。  
脂膏不潤偏憐我，口腹無端反累君。  
早韭晚菘風味美，漫勞分減致殷勤。

峴山漾阻風看來船戲咏

的的高帆舉要津，急流滿載快逢辰。  
世間將相無他異，不過乘風

道臆堂詩編卷第二十二

十一

破浪人

守風卽目

峴山漾口水崩奔，竟日淹留繫石根。  
隔浦有帆通別港，緣溪無路達深村。  
疎松淺隴樵蘇靜，缺岸荒陂薺麥繁。  
拋却閑愁聊解帶，眼前畫理與誰論。

白雲橋道中

桑竹幾人家，迴環浦溆遮。  
波平漁競楫，地暖菜爭花。  
山氣沉斜照，溪光汨晚霞。  
一官同泛宅，冷眼笑紛華。

寓齋

牆頭數尺碧巔峴，鞦韆歸來解帶看。  
一樹玉蘭明似雪，照人白眼凭欄杆。

湖邊春望

蹇帷來往歷湖濱，柳桃已放春解道。  
風光莫相負，可憐刺促與誰陳。  
樞衣憲府常終日，聽鼓旗門每向晨。  
縱是杖頭錢易辦，抽

閑難作冶遊人

巖家滙晚泊

暮雨湖跌漾橫風舫艫舟推篷望村火泊宅傍沙洲水鳥曾同夢  
去時亦避風於此漁商了不謀萍踪憐薄宦終夜起閑愁

雨中過楊家庄不得遂西堰看桃之願

今年春暖花事先梅信纔過桃欲然西堰山中探梅罷褰裳便上  
西湖船吳山山根三日住晨興午食宵分眠脚靴手版同行馬趁  
趨囁嚅勞周旋元規之塵趙盾日兩目眩眯心旌懸俗物種種敗  
人意六橋春色成唐捐一朝掉頭喚歸艇討春決計尋棲賢石尤  
風緊嘆濡滯葦間連夕愁延緣今晨風息泛蒼雲顯山雲接何山  
巔濛濛細雨昧清旦迷津孰引漁郎前好事空傳劉子驥桃源咫尺生雲烟想見千林綻紅雪四山沾濕胭脂鮮作詩一笑付舟子  
後期杳杳知何年

龜山遊眺

道腴室詩編卷第二十二

七

突兀孤峰拔地雄青雲朵朵石屏風振衣直踏穹龜背李白桃紅  
數里中

貼梗海棠

或嫁櫻桃或媾梨胭脂點點絳雲迷徵名比類雖多種恰與梅花  
五出齊貼梗海棠接櫻桃則成垂絲接梨樹則成西府見羣芳譜

春分前一日戲咏二首

時祭朝日 覆齋戒

莫道潘郎髯有絲河陽春事未全弛曼陀開徧辛巳謝猶贖梅花  
三五枝

等閑虛度好春光閉戶清齋學太常請客風兼送客雨遊人多是

怨張王吳俗以一月八日為禱山張大帝誕辰前後數日常多風雨謂是請客送客之徵縣南河濱有張王廟是日香火最盛邑人傾城出遊

沈憐崖畫松歌

畫松一似真松樹奮迅凌空攬雲霧外師造化得心源豈與庸工  
同興趣憐崖老人早抗塵閱世如松八十春閉戶著書多歲月種  
松已作老龍鱗清門文采宣城郡帶索簪著了無悶謝眺青山李

白樓名區滅景成肥遯落筆時時五鬢盤丹青能事傲秦官白衣  
宰相陶弘景愛聽松風耐歲寒

苦雨

中和半月雨人意惜芳時花放碧桃晚礎潤青苔  
詢農憂麥歉舉目厭雲凝臘雪由來少偏逢甲子期甲子日雨

畫溪寫景

屈曲蒼崖灌木遮幾株偃卧碧流斜修藤落索常滋蔓瘦竹紛披  
閒作花紺壁陰陰藏古寺青山渺渺映人家橈聲鳥語如相和半  
日閑消兩髻華

長安渡二首

不關簪組繫浮榮辜負尋春載酒情日日飄風兼猛雨梨花零落

未清明  
竹林深映枳籬斜一樹山茶豔似霞此地風光屬農圃河陽不用  
更栽花

道腴堂詩編卷第二十二

三

晴雲斑駁雨雲空一曲清溪一面風愛看閑花壓船尾兩枝斜挿  
映山紅

沈揆堂太史過訪有贈

風雨瀟瀟寒食天足音空谷喜趺然半生官職俱人下廿載交遊

只目前倒屣重迎畫溪曲擘牋憶泛玉湖康熙辛丑春太史載酒招余及  
船同人數輩游泛碧浪湖同用柳文章報國留兒輩一卧東山又十年

清明

積雨逮三旬清明天氣新殘花猶著樹暴漲且平津上塚從胥史  
催科緩部民多時憂菽麥暫得兩眉伸

東郊

菜花林外布黃金點點青螺佛髻深偶爾溪頭聽啼鳥春風隨處  
有知音

退食

二月春寒尙薄裘東風林外又鳴鳩半開半謝花無賴不雨不晴

雲自浮且復抽閑容。歡傲從來結課懶。綢繆時接意激以余傲漕廉靜錄功獎勵魚正美新茶出。退食聊爲口腹謀。

絕句

緋桃爛熳紫荊榮。滿眼韶光助缺晴。莫笑麤官貪麗矚。何如名士悅傾城。

城北

菜花香卓午。風日暖春衣。溪淨良魚見。林閑俊鳥飛。殊方惜華景。小立戀清暉。豈羨遨頭樂。官卑興不違。

赴郡中途返棹

一夕孤村聽雨眠。篷窗朝日照澄鮮。閑心懶去趨行馬。歸伴長竿放鴨船。

上巳晝溪道中

春岸綠蘅無新林。叫鵝鳴扁舟。此溪曲獨樹。這山孤俗呼寧山湍水漲時濁。竹花開後枯。良辰當禊節。風日助清娛。

道腴堂詩編卷第二十二

十四

山行

澗南眺鳥瞻深秀。青雲裏。澗北望仙巖。屢屨。粲可指。遠不二牛鳴。近一雞飛耳。佳辰阻遊歷。非關惜屐齒。吏事苦牽率。幽興難消弭。野卉薦馨香。山花獻紅紫。風依松籟。石戛湍流駛。隨遇亦便足。淺見輒輕喜。勿謂賤有司。解嘲聊爾爾。

寓興

滿眼韶光屬暮春。浮名任繫苦吟身。浴沂風咏應吾輩。修禊流觴自可人。處處好山渾似黛。青青芳草正如茵。相思明月雙溪水。隨意乘槎一問津。

殺雨前一日大風寒甚

雨晴風感發深冽。甚嚴冬戶小。還須瑾裘輕。不厭重風花馳怒。馬林木走驚深。誰道春三月。韶光似酒濃。

郊行

紫草田田取徑行。春山窈窕若相迎。淫祠妄奉黃巢祀。古塚流傳

謝傅名臨南有黃輿岡社廟土地云是黃輿 龍畔牛童何蓑笠陌頭桑女覲冠  
又有三鴛閣志柳謝安隱於此

雲道中

風雨更番冷暖殊天涯春色又將空關山極目遲賓鳥次第看花  
到鼠姑錦瑟年華催日暮鮪魚時節倦江湖簿書期會紛無暇經  
術雖明吏事殊

臨溪道中六韻

曉日照村墟桑陰人荷鋤水清鑿餘不舟靜覺閑居津戍烽臺麗  
叢祠杯筴虛臨厓挑野菜就網擇溪魚客饌何嫌薄春山信不如  
武林前路近佳興兩眉舒

過亭子灣有感

雕牆崩裂畫欄空零落花香雜馬通近日甘棠誰茂憩歌詩已變

名南風

志感

道腴堂詩編卷第二十二

五

貝錦南箕屢不驚青蠅無那只營營半生忽著登徒目百榼虛蒙  
子路名已照靈犀窮鬼物還憑華表擿狐精與君風馬牛何及北  
海休將南海傾

敢山歸舟二絕句

苕菜參差左右流黃花翠帶望悠悠蜻蛉幾箇如浮葉朝伴閑雲  
暮伴鷗

夢迴清盥坐朝暉捲幔溪光淨翠微啼徹梢篷畫眉鳥引將白練

掠船飛

玉湖舟中

極樂城南看畫圖山橫蛾黛水凝臚分明如笑兼含媚眉目天然

絕代姝

小梅港

鐘鞮湖波撼石塘高臚大網集漁樵峰臺列次三圻戍溲港交分  
兩縣疆烏程長興漠漠晴雲吳會遠儻儻暖翠弁山長一官未決鳴

夷計萍跡延緣嘆望洋

戲贈

記得君平姓氏真蓮花似貌允其倫跡隨西塞浮家客衣並東籬  
送酒人芳草萋萋迷好影綠波渺渺盪殘春閑歌芍藥相持贈莫  
惹調香長者嘖華嚴經露香長者善調香

遊沈家洞二首

玲瓏山何處是此是小玲瓏不道羊腸曲翻疑地肺通晝行資火  
炬接踵導村翁次第偃僂俯盤旋似入籠

佳境忘深入旋從別徑歸長明樓蝙蝠就濕穴蚰蟻白藓凝鍾乳  
青苔養石衣此間堪避世城府折腰非

按范石湖遊石林記云雷川有兩玲瓏山石林爲大玲瓏又有小玲瓏在長興縣界路口  
下陰之沈氏又云玲瓏山杜牧之所遊園林記云石林在下山之陽掌故集云玲瓏山在  
今陽又云賽玲瓏去玲瓏二里近沈氏扶別駕之  
因名沈家洞今惟沈洞最著石林莫可踪跡矣

遊黃龍洞

弁山勢若龍衙衙一支秀竦青蓮花麥蔞石杏離立錯落星斗

道腹堂詩編卷第二十二

六

排雲霞巖叢險峻削絕壁倒懸樛木凌杈枒下涵金井窅莫測度

虔窟穴開谿衍遊人投石叩虛牝輒雷流響沈幽遐應通林屋徹

九地掌故集云林屋之別門也傳聞昔日龍所家黃龍飛去幾千載至今享祀期

無差洞覆石金丹梁貞明初有黃龍見因易名焉每歲五月初二十日有司動幣金備物致祭兩俗謂之分龍日我來選石牢措足俯臨注

視旋驚呀脚軟股栗毛髮豎惴惴駭汗奔麇麇洞旁二石競雄傑

闐然夾峙窺重閣青冥無路可翔步蘇黃題字難搜巖壁刻東坡并山谷書

道人助我濟勝具木階肩置穹崖斜梯空歷級畏反顧聳身緣壁

如游蛇周麾畢登各鼓勇闕堂一笑羣聲譁仙人卯跡大於斗一

泓止水澄窪窪山骨無源早不竭荒唐之說寧真耶羽士更指石

樓迴弁山最高頂白巖荒忽乘雲車前年作霧害禾稼秋田穰極同蓬麻

相傳弁山頂有白巖形如足鍊出則霧露隨之所過之處收獲歉薄蓋山中風障之氣耳土俗博會其說也鳴鈺伐鼓手驅擊閭閻萬井

空咨嗟官府憂民虔告牒憑藉法力祛妖邪貪天之功爲己力大

言勿乃相矜誇姑妄言之且妄聽齊諧自古資談哇衣沾苔蘚坐  
移晷了童屢扇風爐茶甘載吳興老縣令弁山四面看來賒蘇詩聞有弁山

何處是爲君  
四面竟來看  
洞天今始落吾手  
逍遙遊豈輸南華  
神祠荒涼缺香火  
錢布施輕泥沙  
手題募疏禱龍伯  
境內雨暘時拜嘉  
東坡有語會  
記否  
農免菜色飽豚豚  
蘇詩云農夫免菜色龍亦飽豚豚黃龍洞作也

初夏溪行

紛紜野草多殊色  
馥郁溪花有異香  
隨意停燒欲攀折  
數指窈窕入船艙

三月晦日戲作

三月正當三十日  
不知春去已多時  
俱用成句  
桑稀陌上蠶將繭  
花落枝頭蟻作絲  
報賽競喧村社鼓  
清和預借雨晴期  
半窗日影齋居靜  
次日孟夏太廟占候休論甲子雌是日甲子爰入言雙日謂之雌甲子雖雨無驗

偶作

平時常忽忽  
意外一悠悠  
楊柳方今日  
蓮花出衆流  
先聲小垂手  
聯步大航頭  
不謂春無主  
誰知許散愁

佛日過大雄寺禮佛

道腴堂詩編卷第二十二

曉入香林法雨零  
梵音清雅最堪聽  
由來浴像多功德  
同諷能儒灌佛經  
淨名疏云天竺語釋迦爲能文爲儒佛號是也

初夏雨中

冷暖胡無定  
陰晴倏不常  
深情托流水  
薄俗慨他鄉  
郭邑多橫草  
政游有翳桑  
澄懷忘物我  
一笑任涼涼

咏十姊妹花六韵

灌生原類聚  
香色鬪名殊  
楊氏姨成隊  
銅臺妓不孤  
漫誇三女粲  
恰稱十眉圖  
有鳥稱同調  
無郎伴小姑  
雙情自交映  
偶影若相娛  
足擅羣芳勝  
天然此麗都

絕句

桐葉成陰紅藥開  
育蠶天氣未黃梅  
江南有鳥名裙帶  
有紅黃白三種亦有雜采色者  
飛必成雙春夏間多有之  
結伴雙飛飛樹裏來

咏帶帶鳥

花底自迴翔  
輕盈掉尾長  
蓬萊仙子使  
姊妹趙家行  
孟戲何曾識

禽經獨未詳好速尋綬帶飛入合歡堂

舟夜懷人

數聲柔櫓唱吳兒路出橫塘雨散時對月依然共希逸聞歌何處  
喚桓伊夜山如睡蒼烟積客枕無眠白髮披愁緒年來紛不斷天  
涯蠶老正繅絲

孝豐贈黃五雲明府

幾度牽帷歷澗隈天涯物候又恢台莫因羽檄駭人至似為梅花  
索債來春初同遊西環明府許寫梅花冊子池上尋梁曾契集池在署後荷花最盛樓頭題額記翹材  
去歲兩因公事至縣明府館余義塾樓上顏額贈之青山有素如相待懷抱逢君得好開

安吉道中值雨

廿載原鄉四度遊不論輿輪與灘舟怪來此地皆逢雨始信山中  
莫久留

贈安吉州守高東雅

年年假道此經由百里提封接甌州喜得君為東道主茶杯酒醜

道東堂詩編卷第二

六

幾勾留

山行

觸物皆延賞閑愁且自拋嶺雲披白袷野卉綴紅苞獨往偏忘反  
相逢漫解嘲楓人殊俊偉流目盼山幻

裘明府奉委過縣旋即返棹別後寄懷

一官少安居席各不暇煖勞形苦案牘假此亦蕭散我方天目回  
征塵尚未澣辱君臨敝邑披衣迓清盥三年記重來往事未漫漶  
壬子秋勸蟬聯語炙輶投契非左袒重煩字寶贈明珠百琲纂頭胎陳  
突到此荒城供給薄飲食媿衍衍詎敢呼惡客酒不飲空自傾茶盃香泉請  
便面十次事用集俄暑期無緩遽返三翼舟寧假五花館雖欣展良覲恨  
莫極情欸君歸仍習勞海運助旋幹津貼損俸錢將伯藉朋伴不  
知捍禦功奮鋪何時斷悵阻川路長緘題謝余嬾

金絲桃

瀚海金桃樹西川金線柳黃絹本色絲一花擅諸有

手種蝴蝶花一叢經五稔矣今夏忽變爲萱賦詩紀異  
依然栩栩夢莊周橘枳無心不自由今日庭前看物化花時從此  
得忘憂

雨夜獨吟

梅黃時候雨聲聲洗脚關門心跡清燭夜名螢有情衣上坐知更名鶻  
不爽樹間鳴藥香漱齒華池潔花影移燈素壁橫一榻蕭然眠獨  
晚且將薄宦寄浮生

休夏

蜀葵花豔越桃香相伴閑庭白日長羽扇葛衫黃草履詩人風味  
野人裝

題吳山樵半偈圖二首

彈指見彌勒上經侍童子筏捨孝廉船艇脫維摩椅得句呈佛前  
諸天讚歎已

八萬四千偈空費廣長舌何如持半偈心空萬緣滅手摩百八珠

道腴堂詩編卷第二十二

九

念念皆禪悅

偶過

小石平橋一水東碧琅玕種兩三叢蕭蕭日落涼風晚人在雲山  
澹宕中

卜疑

統如打鼓夜渠央漸見窗櫺放曙光夢雨尚餘傾耳聽鏡花且少  
稱心香蹉跎不自今爲始歲月何堪老亦將簪組林泉誰得計任  
他策短與龜長

計日

錦字徒勞付遠郵關河計日幾凝眸未能免俗終難遣不及言情  
始欲愁末路躋陵從喪貝虛名負軛任牽牛老來花鳥深相戀坐  
詠芳風穩繫舟

咄咄

萬事勞勞總喫虛怪來咄咄向空書狐疑氣味醜醜似狼籍心情

瑁璪如年齒漸當知命近生涯原是固窮餘買臣富貴將焉卜戶  
限何堪獨久居

題扇頭畫意

憶昔曾登日觀峰扶桑東望海波重天雞唱徹踰鳥上下界纔鳴  
夜半鐘

題胡義人畫冊六首

新綠成陰柳萬條茅齋青壁隔溪遙林深路僻無車馬時有杖藜  
人過橋

林壑由來遠市寰眼前白水與蒼山幽人隨意坐溪閣不設鉤輪  
頗自閑

雲磴盤空上翠巒松聲長共瀑流寒山坳珠閣何朝寺寫入丹青  
作畫觀

千尋絕壁挿江濱下拍洪濤上矗雲幾道飛泉灑如雨冥冥山木  
亞斜曛

道腴堂詩編卷第十二

十二

淡淡清江水拍天雲根細草映洄澗閑心坐愛幽巖底盡日松陰  
不放船

流水衝橋柳繞城綠波淼淼一舟橫紅塵不浣科頭客何用滄浪  
更濯纓

小遊仙七首

日照瑤林么鳳飛仙壇列屋啓瓊扉麻姑狡獪真年少慣著羅浮  
蝶親衣

跨鶴腰纏尚覺勞檻前弱水去滔滔青蚨萬翼飛難盡指點黃金  
北斗高

綠髮青童玉骨輕金銀寶氣袖中生靈芝殿上飛符召鳥跡丹書  
署姓名

泛泛蓮花一瓣舟青霞衣薄不勝秋蛻橋散後仙蹤杳待訪蓬萊  
徧十洲

洞裏桃花四序春暖無冰雪淨無塵等閑錯放劉郎返竟作悠悠

行路人

上清仙籍占神鄉自有長生服食方瑤圃宴歸閑荷擔肉芝琅菜  
采傾筐

公超市畔霧常迷餐取朱霞吐絳霓自向壺公壺裏住閑將上藥  
配刀圭

苦雨不寐

雨霑川漲已黃梅無奈重聞小暑雷澤國由來晴日少漏天難遣  
密雲開中宵倚枕憂農切半老挑燈顧影頽但願及時栽種徧西  
成無歎阜民財

納涼感典

月宇風庭地自偏且將白眼對高天故園松菊餘荒徑浪跡江湖  
少釣船落拓十年曾不調蒼浪兩鬢竟誰憐早知門閥皆執袴錯  
把才名與仲宣

送太守唐改堂先生內遷部曹四首

道腴堂詩編卷第二十二

三

吳興山水郡六代幾人傳河潤流千里 皇恩許十年

樂天留別西湖詩云皇恩只許

年積薪看後輩留犢踵先賢白首還郎署相將一黯然

教令安吳越棠陰到處餘會稽紹興太守脂膏全不潤惻悞自無華正已存

公好明刑春濫加皂林冤獄雪遺咏路人誇往歲杭嘉湖三太守會勘石門縣監案先生力持公道賦詩云

皂林驛畔水潺湲夾岸居民登舟看要識浙西三太守中天月期夜霜寒

早升羣玉府曾踐白雲司三館聲名重一麾江海遲仁風清訟牒

美利復湖陂粉澤皆文雅區區鄙視絲

尺一傳 天詔蘋洲騎馬還行臨江北路看盡浙西山蹟表顏蘇

列民歌名杜間寸心懸魏闕熊軾漫相攀

苦熱不寐

閉置蚊幃汗似漿微風無力到書牀鞞起趁殘更月坐待天明  
快取涼

近事二首

赫赫炎天近不仁昆蟲得氣莫能馴刺毛顏采頰流毒豹脚鳴聲

速殞身冷眼耐看元度月清心厭逐庾公塵北窗時有涼風至容得羲黃以上人

天道茫茫信有徵履霜漸欲至堅冰唐衢徧急偏工哭斬尚猖狂慣妬能滄海未聞迴白馬夜臺已報弔青蠅忘機且學閑鷗鳥迥與時流絕愛憎

黃鶴行

黃鶴西北去孔雀東南飛俱用古詩羽毛何毳毳文采有光輝浮雲來去相更替行行適與飄風會雲本無心風自吹迴翔上下隨遭際矯翼初看萬里騫退飛還掃舊巢痕莫羨今朝飾車貴當年人亦慕乘軒

飛電燭夜如月流光樹影玲瓏窗紗透徹形骸獨靜典寄超然

夏日殊可畏晚風初夜生不知何處雨吹向故鄣城電似金波展光同鏡檻明窗前森木影流盼有餘清

道腴堂詩編卷第二十二

七月一日立秋

卒卒謝恢台陰晴變莫猜日將梧葉落秋自雨聲來閑病愁無那浮雲只不開半年稀齊月望歲幾徘徊

隱筆

暫得閑身傲五侯案頭吏牘喜無留深林風雨涼侵夢近郭溪山爽薦秋巾襪自成村野跡軒窗如坐木蘭舟不妨久泊吳興宅宦海憑渠汎急流

卽事

買魚朝膳罷東帶上扁舟澤國恒愛潦雲峰未變秋斜陽過片雨餘暑蕩清流不計歸橈晚哉生月一鉤

蘭室

蘭秋天氣朝來爽坐愛閩蘭滿室香十步依然在空谷數枝相與伴池鄉茶清水淡煩俱滌檐鳥林蟬聒不妨消受閑齋忘拙宦何須更浴楚人湯

曉興

別院朝廷步幽蘭香堵門閑情一瀟灑秋意滿林園詎覺冠紳累  
尚無人吏喧此時有佳趣落落竟忘言

瓶荷二絕句

齒蒼芙蓉次第齊色身清淨不沾泥蓮鬚散落蓮蓬出嫩似黃金  
鑄裏蹄

侵曉林亭露氣滋手拈荷瓣淨題詩詩成字裏清香遠記取澄心  
不染時

荆灣

雨過衆山斂蔚然帶白雲秋風纔半月涼意已三分溪闊難消漲  
鷗閑自樂羣客愁聊一遣卽景藉詩云

龍爪花

秋在山邊與水邊幾番采采若爲妍天涯倦客嗟留滯龍爪花開  
又一年

道腴堂詩編卷第二十二

三

安吉山中

萍踪慙俗吏行役代清遊蕭爽逢佳日雲山愛別州野蒿香滿路  
谷鳥俊無儔莫嘆荒途遠勞生自不休

澄聞寺

短籬通別院層折木陰繁杳杳藏山麓蒼蒼得寺門淨池荷葉露  
幽徑石苔痕浪跡逢僧話菩提未暇論

齋前梧桐結實忻然成咏

手植桐枝六載遲卽今囊鄂子繫繫纒過沉李浮瓜日正值羞菱  
贊爰時剖食自忻香味永消閑頗與性情宜不妨劑藥教童子

見笠

潭叢  
香序從此幽憂疾可治

輓衛子

憶從藝圃論交日堂下驚聞斂器言洗馬何堪憔悴絕中郎雖沒  
典型存山川寂寞銷文采羣屐淒涼倚市門莫似當年曾看殺風  
流一往賦招魂

自慰

歷歷事多違年華去不歸祇將同自慰旋以昨爲非熟寐無通夕  
勞形有等威素絲已被領蒲伏尚脂韋

道腴堂詩編卷第二十二

道腴堂詩編卷第二十二

三

後吳興集已

沈惲厓自作先世耕巖草堂圖

亦名刺塘并記書卷末嚴為今先祖耕

生在勝國未膺賢良方正辟三劾武陵楊相辭連阮大鍼等疏入不報遂投劾歸旋值福藩稱制避復社黨禍變姓名居蘭溪縣鼎車後始還宣州築草堂終老焉歿後其門人施公愚山輩私謚曰貞文先生有姑山遺集若干卷朱檢訂米入明詩綜

故宮禾黍已萋迷 避地梁生返會稽 粟里門前餘碧柳 浣花村外有清溪 丹青老手傳遺構 耕鑿先疇守舊棲 半日滄桑閑抵掌 夔龍邱壑野禽啼

邱壑夔龍語出唐張說恩從韋嗣立山莊應制詩序頭與樛翁談明末金陵遺事偶及故中山西園

麻姑山畔宛溪頭 小隱林泉十畝幽 抗疏蚤萌鈞黨禍 潛身終作逸民儔 千秋私諡存公議 兩字徵君勝隱侯 侯隱諡也 幸有賢孫述祖德 直教名重謝公樓

乞沈惲厓寫前度軒圖

罷酒不巾襪 導君池上行 池即劉即泊 林間存小築 檐邨隱荒城 幸作再來客 希留後代名 篋中蔡侯紙 蔡藤一番藏弄近四十年矣 拂拭乞經營

道腴堂詩編卷第二十三

贈沈惲厓即送歸宛陵四首

耳目聰明步履輕 名山歷盡壽崢嶸 胸中筆底無塵俗 婚嫁羈遲笑向平

山水萍踪興趣饒 扁舟一艤畫溪橋 依稀張翰松江雨 特寫烟波與鮑昭 頊作畫溪圖見鮑

新林浦向板橋頭 昔日高齋今北樓 看取謝公團扇上 孤雲獨返敬亭秋

借問蒼峰嵒法師 幽虫過馬已當時 憑君重記宣州事 滿眼秋山感盛衰

秋感二首

納納乾坤百不宜 孤踪隨處是天涯 行藏何用占周易 年紀將能讀杜詩 陳眉公句五十方能讀杜詩 野草花開偏勝錦 池塘水滿動成漪 秋來憂樂

常參半一夜 眠難到曉時

紛紛虫豸太披猖草樹蕭森風露涼羽亦騰聲喧蟋蟀翼能傳響  
沸蜩蟬豈知夢短難爲寢莫認宵長未遽央縱使乘秋還假令歲  
華彈指卽冰霜

書來

書來真咄咄意外苦相聞浮世難爲客他鄉漫識君所嗟是壁鼠  
無賴此秋蚤本自非同器猶令莫亂薰

題佳日軒

小築蓬舟名

春色與秋光篷窗坐卧良往來苔雪路吟嘯水雲鄉冰雪時停棹  
風波不到船愛茲佳日好宦海任茫茫

滿眼

劇雨秋鳴瓦孤燈倦枕書舊聞餘浩嘆近事足軒渠海運誇填木  
田荒博種蔬全軀保妻子滿眼盛簪裾

絕句二首

何物是陰符居然長百夫恥與噲等伍遮莫死周瑜

道腴堂詩編卷第二十三

二

力怯兩石弓目盲一丁字以此爛羊頭續貂狗尾似

秋日陪羅明府遊龍華寺

客興何時不愛山清秋尤喜共偷閑行披豐草循樵跡路轉松陰  
啓病顏近住僧來論舊識宦遊人老媿隨班匆匆塵務方鞅掌白  
塔林間小坐還

龍華方丈有懷舊和尚越山今主壽聖寺

三載遷除公似宦

寺中法嗣依次主席以三年爲率

一官常住我如僧栖栖二老稀來

往貽笑人間酒肉朋

倒押曹景宗韵戲成

狐與兔同類疥與癬同病一讀齊物篇同異皆無競

曉坐十步齋

衣帛年將近重棉花早寒林風度高鳥露氣惠秋蘭事冗經旬瘁  
身閑一刻安應門傳具艇吏卒候晨餐

村行

老懶無能合退休每經村落意勾留野塘菱芡鋪如錦幾箇紅蜓  
點綴秋

白洋埧門眺望

觀面山環抱屏風疊疊遮斜陽繫檉柳秋水泊菱花牛背人歸晚  
蠶頭溪漲斜何時尋妙喜拄杖入烟霞距村山不二十里

返棹

崦路闊復狹連林一棹輕蘆花秋月白漁笛渚風清宦跡如浮葉  
閑情自濯纓半生農圃拙十畝計安成

中秋

愛此南窗月蕭然一榻支得閑高臥早習靜上燈遲砌冷蛩吟露  
天空鴈叫詩官身似蠶老鬚髮幾成絲

李仙盤自金陵寄扇數篋感賦

披拂仁風兩鬢華昔遊如夢一含嗟三山街上長廊下曾識伊家  
與仰家伊樂野仰侍川製扇最精其入早亡今仍其名

道腴堂詩編卷第二十三

寫懷

驚駘寧與驥爭途老厭人呼縣大夫千古由來身自有百年如此  
世應無歲時草草忘臆臙蹤跡吾吾謝鳥鳥回首紅塵萬人海莫  
將昔夢惱今吾吾吾音魚由國語

夢鼎堂桂下作

滿院木犀香盤桓已六霜可堪人漸老無那夜初長招隱詩空就  
看花興未央因循非計得搔首幾徬徨

東園晚歸

淡雲落日映幽軒澀勒秋叢絡緯喧藥進香砂六君子余常滿脾九酒劑多服此  
輸朝穆兩公孫止飲近廿年矣看山畫裏空神往懷舊天涯獨寤言諫果餘

甘回齒頰爐香幾穗伴黃昏

寄送胡謙持先生歸荆門卽次見貽元韻二首

憶昔擔簦日下趨春官桃李何區區旋磨寵命經榆塞俄聽招魂  
哭郢都余少受知於少宗伯抑齋先生宗伯督餉軍前以殺先生其誥弟也廿載師門情倍切一官浙水志相

符昂昂野鶴騫羅網笑看雞羣盡化株

羊溝之雞三歲爲株見困學紀聞

詎屑闍黎飯後憐黃楊厄閏自年年江潭老去初蘭佩彭澤歸來

種秫田

先生罷仁和在聽蕭吳山雲居寺會放得釋

屈指襄陽舊少相思荆楚歲時懸登臨

苦抱深明疾

先生患癘散邑余方病足未獲款接言別

悵望西風落照前

沉吟

唾壺擊缺幾沉吟冉冉流光老漸侵華組詎能償白髮丹砂未可變黃金芝蘭獨秀淪空谷鷓雀羣媒集上林便假數年無大過治容難與誨荒淫

旬日下體瘡瘡作惡忍痛不禁四威儀中惟卧差可時方

迎候新太守於境上篷窗偃息遣興雜吟凡七首

勿藥筮有喜慰言難自誣何妨限跬步且復必須臾欲濟羞濡尾勞生痛剝膚温湯如可覓一條幸蠲徂

抱疾恒無豫多時懶慢成官卑休暇少舟小載愁輕卽事時牽夢相看一遺情夕陽明月下輾轉孰秋聲

道腴堂詩編卷第二十三

四

青山何窮窈窕枕對停舟真意從誰辨晴光繫我遊忘形鳧雁暇

撥悶蓼蘋秋蠟屐平生癖听然一笑酬

薄岸好林廬秋園十畝餘且教留碩果莫使掩嘉蔬看竹誰爲主

寒裳子慕子長茲容泊宅何異望衡居

穩繫溪頭艇何嗟風浪狂功勞眠與食氣候暖兼涼捲幔臨秋水

懸燈照髻霜長年沽酒至晚飯舵樓香

山鳥喚行舟楓林水霧秋晨光滴清露木葉下寒流身世虛前箸

江湖老綴旒河源徼漢使博望早封侯

五六一作身世成孤注江湖老斃虎

躑躅滿天地吾胡獨異情鯨鯢非鄭偶梟獍齊盟自抱無瑕玉

奚煩有耳鑑何當還夏令反舌翁無聲

夢鼎堂前丹桂盛開余方牽於吏事席不暇暖偶折數枝挿於篷箬間香經三宿不歇適讀崆峒集遂倣其製得七

言律詩二首

白髮郎官常白眼愛看庭桂發天香經旬屢出勝情沮間日一歸

塵事忙漫攬風光歸掌握欲迴造化入船艙坐眠彷彿山幽處不似連蜷對縣堂

圖書塞坐屋打頭不厭葉多枝相膠待支茶竈薪材足相映圩田稻色秋掠水玲瓏抱寒蝶浮香浩蕩引閑鷗怡情到處矜勞吏只當乘槎桂闕遊

夾浦志感

漣漣大湖口狂風忽地生魚潛寧受釣鴈過不留聲諺云人過留名雁過留聲萬木連空吼千檣薄岸驚江河嗟日下鼓浪任橫行

蓮花莊

官衣趨府罷移舫繫桑根稍覓靜便趣暑捐應接煩人烟背市井水木極江村踪蹤莫余必方知隱者尊

十步齋桂

邑令同行客官衙若里區攀花席不煖鞅掌僕應痛幾樹爭先發維茲獨守株舍香如我待晚景重桑榆

道腴堂詩編卷第二十三

五

行舟

退食已亭午行舟又日斜風霜倦秋杪筋力老天涯山色漁標近村烟酒旆遮踟躕看晚景衣爲薄寒如

用太白韻

半輪明月五湖秋隱隱青山渺渺流今夜客心清似水滿帆霜露下湖州

九日舟過昇山不及修登高故事

歐餘故蹟仰烏亭覲面篷窗數仞青名著亭侯舊封建人稱內史昔曾經茱萸節暖無風雨鴻雁秋高極杳冥甘載往來非異客不應俗駕拒山靈

舟中呈裴魯青羅素心兩同寅時送無錫使相之京

午浮鶯脰水天寬夕泛鴛湖風露寒燈火危檣迎相國菰蘆列宿應郎官祇因送遠同飛檝不爲登高倩整冠同軌山陵期畢至

郵籤尅日向長安

偶興

曰歸歸計緩非是戀朝簪到處皆如客何時獨稱心山川真秀麗  
魚鳥且浮沉便作五湖長知津尚可任

四安山中

稻熟田家秋氣深離離黃葉點蕭林人駭寒衞催行旅日落牛羊  
下遠岑多病自憐將老態看山且慰未歸心一官下邑棲遲久稱  
向荒途古澗尋

霜葉

一年花事盡秋在葉間妍萬類經霜變千林向日鮮薄寒生曉閣  
斜照亂溪烟葭莢芙蓉外繁華別有天

四安憩館感遇作

廿二年中十度遊余辛亥職壁有兩軒墾發五  
登樓多句今文歷五稔矣老輪捷足懶登樓簿書歲月  
關河鴈萍梗乾坤浩蕩秋中散不堪交可絕仲宣非土賦誰尤木  
瓜黃菊香初放強飲何妨一解愁

道腴堂詩編卷第十三

六

秋茶

萬類競早發敷榮多在春榮榮彼門子英邁性難馴盛年奮先鶩  
矜氣絕後塵一往鮮留餘力竭不復振衰遲悔暮節零落同苦辛  
茲草蘊奇秀雨露芥中均人力謝滋植土妨閔陶甄萌坼清明時  
長養恢台辰柯葉歷秋茂靈味老彌真采采零露溥矯矯芳桂隣  
君子甘其臭品藻貴無倫香色久不渝歲寒貞松筠於茶一歲凡兩出  
於春茶雨前非所向也

於寒露秋茶香色耐久勝  
於春茶雨前非所向也

夜思

露下天高淒以寒薄雲鋪絮月漫漫連林匝匝秋聲集亂壑哀延  
暝色寬溪上一繩初過雁樓頭孤燭正憑欄美人迢遞音塵隔希  
逸今宵悵不歡

澗西村行

落木披行憶霜皁阜午晴山田收稻早村鳩築場成訟踏芻蕘產  
人消虞芮爭尚餘遊覽興露冕笑勞生

樓望

不斷桑林葉盡黃振衣平楚俯高涼生涯觸處情無緒時叙將人鬢有霜晴日暉暉延野色浮雲澹澹寫山光倚窗却少吟朋伴老懶年來厭異鄉

秋行

秋行常不厭風尚况宜山傍竹楓逾媚循崖水自閑偶隨樵牧去便逐鹿麋還除却冠紳客相逢盡好顏

讀三李集作

北地粗豪璞玉真

薛君采有句云粗豪不解李端端

濟南奇絕土羹陳

王元美有句云欲識濟南奇絕處幾眉天半雲

中看蚍蜉撼樹甘投狀不作西涯左袒人

鄉徵旋署途中作

髮素非今日拈髭便鬢懷登舟卽世外回縣亦天涯塵事暫相屏客心聊自諧睡餘食指動飽飯五湖鮭

道輿

道腴堂詩編卷第二十三

七

序已秋冬際時猶暑濕乘霜華遲未降天氣鬱難升不定晴還雨偏饒蚋與蠅苦無沐浴暇何以敵煩蒸

還治途中作

水國秋殘風雨生扁舟逆浪返山城勞人鬢髮三分白敝屣官階七品榮多睡頗忘津路遠乍寒殊覺絮衣輕不堪兀兀支篷坐紅

樹沿溪眼頓明

野泊二首

咫尺阻風潮輕舟却憚搖舳舻成小聚燈火泊寒宵水部祠前雨程山市口橋

一作張廟營橋近程山城鼓遙凄然溪夢冷能不宜情消

簫鼓奮樓船揚帆逆婦旋好風吾自恃吉日彼能涓來往紛難紀蹉跎已有年相看盡如此津吏戒郎前

夏郎至感賦

故友夏其麟子

故人一別賦招魂四十年幾日暮論往事回頭惟有泪浮生如夢了無痕五湖作吏成衰老三世論交歷祖孫今日相逢指陳跡夕

陽秋草映頽軒

其蘇首館余幕中前度軒宮下榻處也

讀大復迪功二集作二首

拾筏何郎稱俊逸

薛君采句俊逸終憐何大復

未應獻吉便低頭

王敬夫云若使老夫應徐下拜便教獻吉也低頭徐

卿自御龍門李六代初唐溯上游

王舟州云昌穀少卿稱詞文匠齊梁詩沿晚季追舉進士見獻吉始大悔改其樂府選體歌行

絕句咀六朝之精旨探初唐之妙則

漁洋廣大故多師妙悟難教俗學知別運鑪錘出機杼帳中應秘

兩家詩

蚤起

擊柳傳點又凌晨驚覺黃袖被裏人幾度寺鐘敲野衲三嚴殿鼓聽朝紳勞生鎮日無升飯愁緒盈有斗塵白首青山高卧穩何時洗耳乞閑身

菽城買菊二首

雅尚尋陶令東籬寄一舟寒香移素月佳色預清流眼底筋骸健天涯風露秋俸錢殊不惜隨意且悠悠

道腴堂詩編卷第二十三

八

老尙負花癖能無愛晚香秋懷愴蒼上春事薄河陽野水旋收潦高林會頌霜落英如可綴珍重遠相將

舟夜

天寒被重槽騰睡風順更清近客船仕宦漫嗤執虎子嵇康忍溺懶堪憐

卽景

曉來甘棠橋上行道場山列弁山橫渺渺清波動樓影人間好景是菽城

示客

青山白水記逢迎相識何嘗道姓名我自乘車君戴笠鶯能求友鶯尋盟萍蓬隨地俄相聚裘葛經時忽已更正是林香黃橘柚物華滿眼若爲情

郡中鞠獄

來值哉生上去該往來與月若爲緣長官但泛舟爲宅小吏惟憑

紙作田檢點爰書更復定平反刑鼎鑄難鐫二餐勿勿常終日辜  
負丹楓黃菊天

舟中題吳興清遠圖真蹟并寄歸安裘明府

昔讀吳興清遠記令觀吳興清遠圖吳興之圖已淪佚集賢館甥  
能追摹錢唐崔復之文敏子雅仲穆聲也集賢母弟成父志文敏子奕仲光臨池墨妙無差殊手  
書圖記識不朽縱令圖失名焉徂兩圖先後落人世兩圖聲價當  
爭途地乖年遠忽相聚前因夙契誠有諸丹青黠黠絹素裂結撰  
彷彿若合符松雪湖隱儼共席文采未泯精神孚一朝故物返故  
地鷗波亭子空遺墟溪山清遠自終古名流筆墨重璠璵不知閱  
歷凡幾手輾轉收入桓公厨我來吳興又六載看山讀書如逃遁  
玉湖常牽志和舫石柱徧訪平原書探求古蹟搜古物取證山水  
資清娛何期邂逅觀此卷所得曷翅隴蜀俱雙美二妙本希有移  
情快意平生無脚踪眼界喜兼并恍疑縮向長房壺蒼茫一派混  
元氣清暉百里含空虛溪山真面與真意筆補造化天難逾祇今

道腴堂詩編卷第二十三

九

對畫嘆神似身所到處知非誣官貧俸薄敢論值夢魂數夕相縈  
紆荊州一旦許借我載歸枕籍連艇艣烟雲流目卽吾有雪中鴻  
爪留泥塗滄波淼淼貫虹月望氣今宵在五湖

再題趙承旨吳興清遠圖

吳興何處好淹留城南山水最堪遊望裏野航時泛泛風前鷗鳥  
共悠悠天浮遠水桑柘短塢湧環汀葭菼修分明爲我漂萍跡茫  
茫今古會同流

散衙

役散堂前已罷呼自公退食又昏脯不須綠酒開眉結頗愛黃花  
侑座隅吳越冬來冰雪少關山北望雁鴻無夜長難得纏綿夢輾  
轉霜林報曉鳥

贈張小同二首

風流最是張公子表字居然襲鄭名花底徐行看鶴步林間長嘯  
聽鸞鳴頻年糊口山城晚幾度褰裳書閣晴囊有仙人一丸藥何

人相見不相傾

杜陵三徑許誰尋  
門掩蓬蒿歲月深  
甘爲王生親結襪  
快聞宋玉賦披襟  
江湖漭蕩逢知己  
蘭桂芬芳却稱心  
安得相從邱壑裏  
拂衣便可謝朝簪

贈許子

青眼今誰望  
風塵獨見投  
麟稀方是瑞  
菊澹自宜秋  
朗月思元度  
仙風挹遠遊  
衡門若相訪  
柳市向南頭

咏史

從來掩口笑盧胡  
孰是英雄孰是愚  
漢室王孫驚髀肉  
隋朝天子嘆頭顱  
孫弘布被欺賓客  
劉毅金盤信丈夫  
莫謂癡頑長樂老  
摸稜伴食似渠無

吳興之水

吳興之水源委明  
小溪小港俱流行  
遠從天目入湖曲  
直下吳淞到海平  
一自禹貢著底定  
萬古利賴無虧盈  
人間那須禹再出  
妾

道腴堂詩編卷第十三

十

冀微功告厥成

月

孟冬三五夕  
碧落白泱泱  
萬里緘雲淨  
千山落木涼  
方諸明瀉水  
中雷濕凝霜  
愛玩那能寐  
依依漏鼓長

湖干

桑柘吳興郡  
湖山越絕書  
廿年仍舊跡  
一舫卽吾廬  
歲稔官心逸  
冬晴倦體舒  
連村風景好  
紅樹未蕭疎

敬步遠祖西溪公韵再題趙文敏吳興清遠圖

清遠溪山俊逸詩  
流傳天壤幾人知  
浙西文獻稱千古  
至正風流自一時  
風景移情應給賞  
烟雲過眼未嫌遲  
摩挲吟諷常終日  
欣假齋頭半月期

高安相公輓詩五首

歷官清節著一代  
大名垂浙水深遺  
愛潛江永去思  
公曾巡撫浙江先  
是由庶常出宰澹  
江縣並  
多惠政  
和平心不競  
淡泊性相宜  
屈指論真相  
微公更屬誰

今皇初御極 特召返阿衡 一德符羣望 三朝重老成 鞠躬當盡瘁 全節信完名 萬乘親臨視 神騎箕尾榮

蒼生誠繫念 懇懇見遺章 守道嘗謙退 乘時卽贊勳 功多在社稷 沒允祀賢良 婦子知司馬 名同史冊光

宗黨無私植 門庭數馬稀 真無濫朝簿 端不負儒衣 冰玉原同潔 雷霆豈藉威 濟川籌未展 引領失民依

望重 特旨召題

浙河嗟故吏 甘載獨余存 憶昔趨京邸 甲辰年事從公侍 殿門栽培二天

感鼎呂一言恩 公為大宰時余以揀選引見侯 見侯 事 公稱許於諸大人前 今日非私泪盈廷聲共吞

消息

官况染鬚頻 星星復似銀 甲之莫高論 老矣不如人 敢與諸任齒 空憐百病身 因風傳過雁 消息幾逡巡

十月晦日作

小春天氣晴 彌月小雪時 光點雪無庭 畔梅枝紛起粟 池邊柏子

道腴堂詩編卷第二十三

士

亂垂珠 公家事冗難更僕 久客心灰易向隅 屈指天心見 陽復自然消長莫脚蹶

贈畫士 時為臨吳典 清遠圖卷

爾得臨摹法 人稱彷彿同 圖成行看子 持贈卧遊翁 妙手應雙絕

王孫詎獨工 從茲流宕跡 長對水晶宮 縣試示陳筠亭陸和壤兩校官

蒼涼冬日放 朝晴夢鼎堂 前快合并簪 水菁莪諸弟子 畔宮文學

兩先生 畔字見漢 命題授簡官 身暇列坐抽毫 訟閣清會見茂才兼

異等扶搖九萬此搏征

蔡浦

連朝文事喜 盤桓忽刺扁舟 迓上官莞 桔村前斜日淡 蘆花風外暮山寒 頻年磬折腰圍 減十月霜嚴 木葉殘 莫嘆渡江愁 洗馬祇

今憔悴五湖寬

大錢湖口

泛棹未百里依然在客途落霞明震澤寒色滿西吳歲月人空老  
行藏跡自孤好懷隨境減多病懶枝梧

覆試再示陳陸兩校官

琴堂又喜集儒英七度掄才半在費全兩任長興科  
歲試凡七度矣經術不明叨作宰  
文章無別忝司衡當年桃李稱懷縣自古絃歌羨武城敢擬中和  
傳樂職諸生試習鹿鳴聲

冬夜倉署雜咏五首

青眼幾人是悽然感客踪百年當作達萬興不須濃烟郭誰家笛  
寒溪此夜鐘風光回首異冰雪恨何從

五十年將近尋常事故侵風情消宿火雨夢冷重衾聽漏知宵永  
思鄉覺歲深牀頭唾壺在感慨每成吟

江海頻回首因循奈歲闌二毛彈指易一病去身難入室惟邀月  
開襟不繫官斬除庭下草爲報竹平安

日斜氓庶散負擔喜留餘心跡從興論聲名畏簡書六年終澹漠

道腴堂詩編卷第二十三

十一

雙鬢已蕭疎買父清平頌徬徨謝不如

食指今朝動中厨具饌忙甚勞門下議謹贄老夫嘗野豢碧山澤  
特有門人以鹿  
兔雜鳥來餉房丞續憲章從無侯尉想詎羨大官羊

喜聞諸草廬膺博學鴻詞之選復入翰林

鳳池鸞掖迴翔久初由孝廉授中書成進士後  
改授庶常出爲金華府教授離合飛甘廿載情淹雅原推  
金馬彥遭逢尤比布衣榮三長自擅眞良史兩浙誰當最盛名道

古瀛洲應續錄小長廬後有先生草廬與竹垞  
先生同邑

懷厲太鴻孝廉名鶴錢唐人時  
舉鴻博不第

操觚橐筆走羣倫月俸承恩賜紫宸到京候試者月給薪水  
銀四兩益異數云百鳥詎能如  
一鷄今時何意失斯人青山吳越催歸鞅明月江湖理釣緝菴畫

溪頭前度別相思擬訪校書塵

聞沈荻林中博學鴻詞選授庶常因懷王載颺邢卓哉

青鞵踏徧軟紅塵今作紅蘭署裏人把臂曾爲朱邸客昔年常集紫  
幢王孫館舍  
寒裳憶訪畫溪濱十年作賦悲王粲四海稱詩老謝榛落落朋友交

殊顯晦曙星相望渺天津

至後五月初雪

逾年不見雪飛揚忽地紛紛喜欲狂一日旋隨風感發三農預卜  
歲豐穰姿神獨絕羊孚贊遊跡誰賡穆滿章冷眼無花明似鏡小  
窗相映啓書囊

狂歌

一官蕉萃且塵埃世事悠悠莫漫猜令色游聲今上考孤情直節  
故中材乾坤滉蕩江河下歲月崢嶸髮髮催廿載酒情因病沮狂  
歌今欲倒樽壘

雪後二首

商旅閉關皆不行溪山偏脅我尋盟明瑤片片流澌滑粉澤村村  
駛雪晴野鳥歷灘羣啄食榜人唱榜互娛情鷗中狸製篷窗底坐  
忍清寒太瘦生

紆徐頭蹋轉前岡輿轎踈屨坐夕陽枯木寒巖窮實相梅花蕭寺

道腴堂詩編卷第二十三

七

禮空王

實相空王晉西山寺  
名梅花街近空王寺

雪封野徑麝麇跡人埽衡門堯枯場每到山

中思采隱投簪何處是吾鄉

城中望雪

長衢一望雪氤氳聲灑寒空靜不聞湯餅誰調金井麵梨花春散  
晝溪雲光騰銀海饒鮮象色颯瓊樓少市氛幾度南中曾彷彿淋  
淋江上鷺成羣

丙辰歲暮

老無孤矢志徒步且盤桓力疾倦遊久牽絲作令難一枝稀美蔭  
羣水盡狂瀾故國三千里歸心逼歲闌

感嘆一首

五十忽將及興情漸消沮文史束高閣遮眼一無取心煩夜少眠  
事拙日多忤愁病自交迫懶慢相夾輔豈慕堯山農未羨陽程賈  
得閑卽當歸歲月聊延佇溪山且倦遊奚暇趨冠當字  
去聲

沉埋簿領叢戚戚寡權趣未銷求全毀詎有不虞譽楊子慳一毛

天下不之顧處仲忍殺人洋洋若無預斯道率共由舉世咸遵路  
緬懷三代民遺直將焉遇

### 歲暮感興

舵樓纔歇迴颿鼓又發綏州向震州落日寒冰殘歲景牙檣錦纜

少叅舟

巡撫兩道憲先後按郡折腰已倦趨行馬俯首何堪對野鷗爲報偏禪

莫嘲笑厭端章甫况鞮鞞

武人有鄆州縣爲不足爲者故述一時相諱之語

### 漕政謔

登數書嚼糠粃輓運丁蝕精米徵漕縣官苦伶仃脂膏不潤徒糧  
腥震來統統督儲道蒼蠅翳翳監兌廳南漕老熊當關卧糴子遂  
巡那敢過北漕侍郎兼坐糧壯哉鼠雀耗太倉漕政從來成弊數  
層層剝削相糾紐塞流端要清其源黃河水自崑崙渾

### 判花

蘭草稱香祖梅花占大魁生成無上品自是不凡材入室原知臭  
巡檐豈藉煤殷勤貽老圃長與護蒼苔

### 道腴堂詩編卷第十三

十四

### 湖子村行二首

翠羽掠行憶碧雞啼曉村麥苗青剡剡湖靄白昏昏野酌與人醉  
閑情仕子論天涯流宕跡延佇幾銷魂  
觸目皆延賞詩中與畫中緣坡散羊子啜水聚鳧翁山影看娟秀  
人烟愛鬱蔥飛鴻留指爪那復計西東

### 同趙主簿歷勘沿湖諸港

歲事已云暮官身未遑暇同寮有鐵簿復是王珣亞  
趙君素有嚴名身手短小故戲及之  
扁舟辨晨炊星言偕夙駕具區此上游諸山水奔瀉底定念禹功  
枝蔓分港泐湖孺成沃壤畝倍尋常價樹藝衍禾麻種植茂桑柘  
浮沙患壅滯蹇墟慮毋卸因利而利之疏濬促農罅掠淺淨濾泥  
辱水堅築壩通力民忘勞畚鍤役易罷長官求民瘼勸勞責焉謝  
豚蹄孟酒惠殷勤相慰藉喚渡刺漁舟問茗止僧舍聊當竟日遊  
舉帷夕陽下

### 贈郡守胡琴崖先生

涇縣人

美錦珠江早製成銅符昔日剖榕城春移蘋草汀洲暖心本桃花  
潭水清安定復來興學校時方修復謝公重起慰蒼生一時誰著循

良蹟異代顏蘇好抗衡

元日夜泛

縣尹勞人職栖栖感歲年夜篷元日雪春夢五湖天且免聽晨鼓  
從教博晏眠方舟憐僕隸同結道途緣

泊天平橋

曉起推篷駐短橈凍雲一抹阻長橋冷冷淺渚冰初結漠漠寒空  
雪正飄舟子閑沽新歲酒村人競作小年朝官心不似山陰興喜  
見春田潤麥苗

新庖

意外饒充口行厨廣食單羹香調翠釜茹美薦銀盤沾丐無餘瀝  
夤緣得飽餐側身方一笑庖代浙人難

雪晴

道腴堂詩編卷第二十三

五

誰道南邦似朔方北風刮面宛其涼堅冰凍合村頭渡衰草寒凝  
雪上霜一片鴉聲盤古木數重山翠障迴塘澹澹稅桑田駕坐  
倚胡牀曝日光

古意二首

江流曲復折潮信喜相催春水船中坐歡如天上來  
項上肉一縷釵頭茗一旗慰儂飢與渴邨得似催來

湖上四首

憶自金牛始鑿湖笙歌酒食日歡娛圖經獨著唐和宋宦蹟誰當  
白與蘇縱屬婆留終納土諒非西子也亡吳紛紛俗駕迴難盡為

告山英枉謝通

畫添一角花神廟勝攬三堤 帝子祠厭采舊聞求舊蹟愛探新

景製新詩亭前曲水疑蘭渚引山泉匯流入池山半藏舟似武臣丁家山

極巖然少誰為尙書勤護惜遊人冷眼看興衰巴上清詩許少保

清油畫舫日逡巡大抵風光屬麗人鼓笛數番驚昔夢亭廊幾處

逗開身消搖豈爲判花至懷抱何因把酒伸浪跡江湖頭已白勾留只是武林春

芙蓉肌肉綠雲鬟畫樓臺青黛山元微此日詩情憶才子依然仙境在人間不辭薄宦常爲客况值春風易解顏三日舟旋兼磬折忻攜輿隸暫偷閑

### 茗雲歸舟

感時會記兩來船風勢由人莫怨天今日天公却公道溯洄搖櫂溯游牽

### 晚景

黯黯同雲盡日風蕭蕭急霰灑寒空黃昏燈火踈寮外冷淡梅花小院中魚印見前尚封批判少蠹編不釋校讎工儘教貽笑陶家婢亦愛茶烟惜袖紅

### 上元茗溪道中

人誰上元出而我獨如何雪後孤篷冷春來公事多雲山煩勸眼

### 道腴堂詩編卷第二十三

六

寢食繫勞歌白首徒卑吏浮家魏志和

### 正月十九日偶咏

節過收燈後官身未卽忙閑齋消茗火細雨飲梅香鎖印猶新歲闌邱祇故鄉耽吟非是癖憑仗紀行藏

偶憶乙卯春與盛湖歸旭升舟中聯句急理廢紙中僅存鄙作歸臺散佚莫可收拾矣感舊懷人不忍削棄涉筆錄之循諷亦自成篇也

雪後春寒忒甚囊書與子同舟鴉軋一枝柔櫂斷冰不斷溪流白日似開奩鏡青山恍對粧樓粉黛縱橫狼藉明眸豔質包羞太湖銀濤萬頃尺船葉葉如浮把筆思臨畫臺將詩欲乞漁鈎歷盡長堤曲崦樵風吹度蘋洲草木牛毛踈瘦峴山圖記前修匝岸黃蘆掩映環村苦竹紛紛烟際微茫遠火扣舷聊當清遊

### 正月下旬臥疾雜咏八首

潦倒維摩示病身香花自結靜中因震風凌雨從終日煖閣紅爐

別是春得食駮童惟習嬾能言籠鳥代呼人琮琤水樂堦前瀉一  
泓清音入耳頻

印匣初開百職忙呻吟我獨卧繩牀灑窓雨雪聞今樂吳中十番有  
再吹雪之名插架圖書發古香短髮江湖惟取適早年弧矢動離鄉等閑拚擲梅  
花候桃信春深待艷陽

翁鞞踏雪長安市玉尺堂中記舊蹤筵列 尚方新賜果酒傾南

國乍開封十年瑟處誰知己一命深恩感 世宗辛亥首春當過姤文題  
恭舟玉尺堂亦舟時官

都統蒙 世宗 賜諸珍果余得  
分嘗後數日邀 恩復授長興令歲月回頭駒過隙春光何日放愁容

不是閑人豈遂閑多時病足減清顏藥爐若火燈前話烟艇雲溪

壁上山夜雪寒封三徑白吟髭愁撚數莖斑呼童曉起開門望見

說廷階竹樹彎

玉妃萬族降瑤宮剪水雕冰競鬪工吹落梅花怨羌笛掃彎蒼帚

笑蠻童溪溪添半尺浮舟水簾揭中庭咏絮風斜啄喜聞吳信至蘋

婆馬乳餉衰翁

道艮堂詩編卷第二十三

七

聽盡排簷化雪聲重衲敷坐裘裘輕多年家計傷中落此日官心

愛晚晴居室常師衛公子持齋兼奉竺先生春蔬新得芸蓼美哺

食忻調骨董羹

北郡雄文鼎可扛信陽雋筆果無雙當時盤敦皆盟主終古周秦

自大邦空同大復論文書  
往復彈擊不相下元禮楷模乃所願龍門高峻我心降笑他抑

李伸何者浮海無桴但涉江適嶺南  
公全集

夜來扶杖南楹立星見雲銷欲卧時不道天公仍主畢那堪玄象

尚躔箕蕞薪燎釜炊方熟被暖意昏起較遲幸說前廳公事少吏

胥猶未沸如糜

惜桃

前年八月秋風吼拔我西簷一株柳今春雪重比鴉毛摧壓中庭

一樹桃柳條跪地垂金線桃花千葉開人面前度劉郎手自栽紅

塵紫陌重來見看花漫度五年春今日捫枝惜作薪官序蹉跎知

拙效二毛種種老安仁十年種樹心今懶柳眼花鬚都不管羈遲

傳舍跡如萍隨意風光愛蕭散

東軒雜咏四首

此邦蘭價賤幽谷草俱香攜自樵人擔買栽軒砌旁連朝苔掩雪  
祇益素心涼一入吳趨市金錢品鷲昂

林間有小鳥竊號白頭公潛啣花鬚食羣飛樹杪風白翎彈碩德  
翠羽夢師雄彷彿庭前景當年見畫中

年來拋鏡鑷不拔白髭鬚到處無尊行去肆然稱老夫今朝此獨

坐花鳥且權娛矢口忘卑職狂吟暢聒嚚

寒香動官閣拂帽樹交枝堪號梅花吏奚慙水部詩相期儻逸長

軒東雜咏  
亭名以後逸閑伴雪霜姿金紫吾寧易賑然索質質

縣齋梅花樹下作二首

爲郎白首世情疎目暗司空城旦書保障繭絲都不計眷鞞鞠脛  
竟何如陶潛空有盈樽酒羊續曾懸受餉魚親戚天涯情話少看  
花無語獨躊躇

道腴堂詩編卷第十三

六

清平治績遜才賢花事留人守俸錢闔境民安忘帝力今朝寒甚  
自堯年豈需冥樂占君子肯使風光裂老頭魚舞鳥歌成勝引一  
迴陶寫一忻然

晦日

侵尋又提月春氣尚并凌梅雪故相似冰霜只自凝真看凍殺雀  
籠中兩書  
一夕俱絕遮莫冷如僧詎乏炎歊地奔騰力不勝

縣齋述志

戶限何堪獨久居退歸常憶舊田廬負才詢祖愁爲賦垂老揚雄  
疆著書豈道鳳鸞棲枳棘那能濟滌伍緞組幾番聽雨吟春後桃  
李爭華柳意舒

溪上聞棹歌

一聲款乃夜沈沈沈滿月和風思不禁漫遣僧超歌壯士試聆車子  
轉笳音濯纓屬和滄浪曲擁楫還爲山木吟一作抱膝聊  
爲梁父吟莫道吳兒心  
似石沿流一往使情深

卽事

溪南送客春寒甚打鼓鳴鑼破曉烟久雨未消山頂雪沉陰欲壓  
渡頭船鞠躬祇候華旌過拱立徐看錦纜牽高蓋曾聞憂甚大八  
騶敢望導車前

答客

莫道春鴻欲漸磐衍行素飽未遑安鳴鐘列戟非吾志白水青山  
屬下官巢父掉頭將不顧婁公唾面自需乾抽揚小善方滋槐落  
拓由來殿最難

絕句二首

紅梅白梅開已齊最好數枝雪壓低昨夜燈前聽猛雨風光二月  
賤如泥  
對花不飲花應笑老興吟春甚少年曉起烹茶傍花坐催詩小鳥  
數聲圓

荆灣

道腴堂詩編卷第二十三

九

頻歲此于役又驚節序更山山猶積雪樹樹向春榮竹箭緣崖東  
薪渾下瀨撐時平兼地僻斥堠却虛名

梅溪

急溜滯溪灘長歌行路難車徒何處覓行李復誰干曉日偏生澹  
春風忒煞寒寄言西道主莫失旅人歡

安吉道中雙聲

縈青綠白畫圖間雲雪高寒山外山枝蔓不侵橫側勢髻鬟時露  
尹邢顏境幽松栢殊蒼秀路僻樵蘇自往還茗逸卽看天目近村  
量筋力怯躋攀

雨泊吳山寺

經日雨參晴山程次水程形舒吉祥睡夢輯短長更篔簹穿雲瀨  
鳴鐘出化城重稠寒覺重風氣肅平明

感懷

萬興恢台後羣情亭午時澄波鷗自泛峻坂驥爭馳泝滌常龜手

輸贏莫算棋何如浮大白音好企鳴鳴

孝豐黃明府奉委盤倉至縣有贈

素心清况幾入同何事綢繆結課工吟鉢叩時聆雅奏仙鳥飛處  
杲光風梅花爛熳留殘格蘭草芬芳藉舊叢五載迭爲東道主湖

山蹤跡等飛蓬

自癸丑迄今余兩人以公事往還殆無虛歲

顯舊本李于鱗唐詩選

書肆攜來卷帙殘窗前補綴枕邊看滄溟自具金剛眼末學眇昏

卻被瞞

縣齋偶集潘詩言志

弱冠忝嘉拾眷戀想南枝在疚妨賢路位微名日卑虛薄乏時用  
政績竟無施但恐忝所荷恪居處職司

重三日退食選暇遣步汨上仰希古情俯感今遇展詩發

志詠言暢神

麗日虛元已餘寒及大春高符紛善宦宴慰鮮私辰委牘常遮眼

道腴堂詩編卷第五

三

流嚶莫就人俗情難祓禊流咏綠池濱

時因

時因公事出假樂蕩輕槎遊眼皆成趣逢村自有花溪山元秀麗  
春色且繁華咫尺瞻高弁浮嵐暖翠奢

楊家浦桃花

重湖望以近公棹入花林翳翳紅霞爛濛濛紫瀨深春來佳日少  
意外武陵尋扶路遲歸艇延緣寫我心

閑時

閑時寧易得退食自公初楊柳風吹牖桃花瓣點書倦遊當宦後  
幽事及春餘聽雨朝還暮憂心愜不舒

咄咄

閑愁似湧浙江波咄咄何堪口縷羅僧孺恹財恩分少謝莊領選  
笑容多三春花事浮雲幻千里音書燕語訛滿眼青山雙鬢白十  
年不調竟如何

蔡浦道中

鴨藍漾邊山色晴蛾眉螺髻鏡中明春光却嫁冠紳客蘆子漁人不及情

山行

蟻徑緣山轉披榛高復低溪根深久蹠石卵涉成蹊跂跂奔蒼鹿冥冥叫竹雞詩情撩鄭綮驢背句頻題

蓮花菴老松

龍性定誰馴盤擎幾百春是人皆惡直此叟詎求伸葢偃香林雨濤喧菌閣塵榻來耽憇寂野衲厭頻頻

乘興

溪山隨處好興趣與誰分小吏淡於鷺長官閑似雲扁舟吾得計永日自爲羣莫學風塵輩綢繆結課勤

贈許子二首

仙掾嘗冠素仙卿本茹芝偶看龍鬪鄭却聽鳳鳴岐籍占虫書署道腴堂詩編卷第二十三

三

行煩鵲印齋名山如可托引我勝情移

妙義聆都講飄然見色身千風欽長史苑爾接音塵古埭吟丁卯幽居筮癸辛連龕丹九轉違慮世間貧

夏日陪裘明府遊佛川寺

一徑緣山歷四橋長松古澗寺門遙官身再現非生客香刹重來改舊標

康熙辛丑嘗一過之其方丈乃重運者指點淵源慈氏跡留連茶榜棟公寮從僧

雨中限韻同朱鷺濤華師屋

微寒故向麥秋生盡日空檐聽雨聲解帶放衙羣吏散嘗茶看畫小山橫菰蘆蹤跡萍蓬聚腹臙江湖歲月更付與張爲圖主客一

燈相對苦吟成

曉雨

久雨空齋冷蒼苔色上衣林昏荒徑合草沒小山圍習嬾踈公事談言息世機消遙共終日落落貴知希

題朱鷺濤畫

雨中點筆烟雲潤長夏官齋靜似秋樹色層層山鬢鬢綠陰濃葉  
繞高樓

韵

池上古木數株望同單椒秀拔月夜與朱華兩君吟玩次  
喜君晨夕共追尋咫尺烟霞世外深俗士嘗教廢邱壑解人何必  
在登臨一庭藻影涵明月半壁林風響暮岑長日捲簾閑看畫蕭  
然時有抱山心

再作一首

屋角樹如山蒼茫指顧間蠶時官自逸月夜與同孫妙悟應通畫  
神遊豈藉攀漫希巢父隱落落且塵寰

述舊贈徐捧玉

故人徐振  
孫那承子

趨庭憶踏沁園春孺子風流迥絕倫日觀題詩思共被橋門鼓篋  
慶同人僧虔早異羣兒戲東里何期此日貧世載交遊慚白首一

道腴堂詩編卷第二十三

三

時零落感徐陳

送朱華兩君遊碧巖二首

盧橘滿林黃楊梅繞塢香珠簾懸瀑布孟水踞湖光遺跡成前劫  
題名在上方因之一神往官閣坐斜陽

清晨戒舫牒供給具隨身蕭散從公等追陪屬隸人勝須榛杖濟  
景藉管城親歸權無煩促何妨漏下頻

看朱鷺濤作畫

磨盡逾麋墨一丸吮毫層疊漬烟巒長林巨壑雲莊靜秀澤能生  
六月寒

一官不計山貲足乞寫林泉便是家他日歸田頻看畫不須惆悵  
憶天涯

哀裘明府

政績吳興七邑師七年同宦最相知黃金結客生前譽白眼看人  
身後悲香帛躋堂哀兆姓圖書挿架憐孤兒佛川遊罷分歸艇便

是此生長別離用韓句

夏日

南樓望所遲去幾日客帆歸石鼎松風熟冰厨雪藕肥  
蜩螗林落靜鷗鷺水亭飛十步延香祖清芬欲襲衣

雲物二首

行雲多異態窈窕忽怡人素影渾衣白清光欲化銀  
山情消日永風趣得天真捧劍閑心事相期一爲申  
片時軒檻靜極目且忘機林岫風花颺湖天雨葉稀  
無心自舒卷浪迹幾因依羨爾將高鳥東西南北飛

恒風

六月到七月未有不風時當伏恢台變先秋大火衰  
雨暘究洪範絺綌咏婁其笑指津頭舫衝波故自危

書水橋道中

連山如杳浪出沒望中偏荷葉田田水風林岸岸  
蟬烟波閑嘯咏

道腴堂詩編卷第二十三

三

衫履自周旋曲折開橫幅流觀枕席前

山行雜詩四首

山腰翠竹長如帚水面黃花挺似簪一片風蟬數聲鳥  
畫家景致賦家心

橫側茁茨數架連筠籬筍筍逕景幽偏山民不厭冠  
紳客來聽清音竹裏泉

橫峰斷處開青壁亂石叢中瀉碧流却笑山翁日漱石  
生無利齒老林邱

山半橫橋跨半環流泉幾疊響潺潺往來左擔行相讓  
一任相逢狹路間

石廟僧房

四山迭明晦草木袒一作黛驚風片雨灑無定浮雲去不窮  
羈身尚塵鞅投袂又禪宮勿勿將過夏題詩付贊公

漫興

嬾向江頭學弄潮五湖隨分繫漁船年年窳易升虛邑處處逢人  
作解嘲自是填河無弱羽任他引蔓有陵苔當筵舞袖郎當甚笑  
看何郎傅粉嬌

池邊秋柳

搖曳西風裏依依送夕陽樹猶如此好時亦正相當露白秋波淨  
山青暮景蒼攀條行未得佇立傍寒塘

俊逸亭

詩品吾家貴亭因俊逸名半生從性癖一笠得天清葢頂黃茅儉  
編籬翠篠精何須羨臺閣吏隱坐怡情

博山臺

敦良能趨吉登高實履平園林窮野色霄漢展崇情平楚移山翠  
中天近月明莫言方丈地心跡此崢嶸

兼山登

所思不出位桂樹小山連迥似期仙磴長歌招隱篇峭崿猶近地

道腴堂詩編卷第二十三

三

寥廓欲無天終怯莓苔滑攀援屢息肩

鑿坯洞

小西藏書富鄉嬛秘笈多神山原縹緲宦跡且蹉跎大隱聊堪卜

韋臯卿名其居曰大隱洞題名定不磨地偏心自遠終日在巖阿

卽事同諸友分賦二首

古木鬱蒼然平臺倚暮烟登高望初月秋色與雲連雅喜羣賢集  
風流逸興偏那知官閣裏別自有壺天

秉燭游清夜寒塘露氣深一亭斜傍水八桂自成林烟景頻移席  
香風時撲襟多君能挈酒不廢主人心

亭上

小園敢擬庾蘭成却喜秋來衆卉榮衙鼓數聲人吏散桂香滿院  
簿書清臨池汲水中僮約別圃移花問客名坐久林間織月落露  
涼殊覺薄綿輕

道腴堂詩編卷第二十三

道腴堂詩編卷第二十四

雲中 鮑 鈞

辛浦

後吳興集庚

太守胡公署中老桂一株於根抵作花命賦

桂性原教君子宜

孟東野詩君子芳桂性

喜從根抵發華滋芸香累葉傳家學

松栢叅天歷歲時南國棠應連美蔭高岡桐已長孫枝

今孫新成進士冬榮

自比靈椿壽恰趁黃花晚節期

時際重九為太守覽孫之辰

獨興

池上亭中坐不回濛濛細雨罷登臺黃花繞徑秋英落綠樹連林  
雉堞開昨夜浮雲先蔽月多時幽興且啣杯清塵不散欄杆曲茶

話曾邀太守來

胡琴崖先生按部至縣遊憩移時

九日登臺

曉起雲開見日升小臺乘興試先登桂花似霏紛紛落林露如珠  
點點凝徐步不愁苔磴滑閉身却愛畫闌憑眼前莫厭方隅隘魚

道腴堂詩編卷第二十四

一

烏親人水木澄

晚晴卽事

夜來風雨過重陽桂樹今開兩番去香日落雲間露徹月烟明臺  
上趁高涼遣懷且復移樽飲剪燭渾忘聽漏長好景天涯邀勝引  
却勝絲竹擾華堂

答諸友見酬晚晴卽事之作疊元韵

莫將春事艷河陽獨愛東籬姓字香老眼帶花憑物幻開心如  
水借秋涼朝昏不厭過從數冷淡偏教興趣長俊逸亭中詩滿帙篇  
篇旨格總升堂

丁巳初度

多年止酒謝衰絲此夕深杯偶不辭便覺龍鍾添老態那堪狼藉  
少矜持花前潦倒神偏倦月下麻茶目有眵輾轉難眠眠易醒燈  
昏被冷夢迷離

獨留臺上



露氣濕欄杆重棉尙覺寒  
草虫鳴不歇坐客興俱闌  
晚桂飄餘馥清風屬下官  
綠萍池上月獨待夜深看

臺望

屋角一山明秋雲不隔城  
登臨皆是畫心跡此同清  
島嶼荒池曲欄杆古木平  
居然成小隱可以慰勞生

月上

遲遲明月上乘興又登臺  
樹似巖叢密雲如洞穴開  
池亭數虫集中襪幾人來  
漸聽鐘聲動清言坐不迴

題醉翁亭畫二首

年來偏愛畫舉目藉消憂  
况復名賢蹟溪山更熟遊  
度橋思薛老縶馬到滁州  
風景吾能說摩挲喜見投  
瀟洒清秋日空堂一燈開  
眼明釀泉水手拂苻溪苔  
大雅不可作古亭猶未摧  
流風存彷彿賓客共徘徊

林亭夜興

道腴堂詩編卷第二十四

二

露氣方寒暑又回生衣復  
檢箬中來重陽節閏菊猶  
待南國秋遲桂尚開此際  
獨遊還秉燭今宵無月未  
登臺久晴不厭浮雲色一  
片輕陰上紫苔

鑿坏洞小集

黃昏飛雨下亭臺移席寒  
裳菊宴開洞口桂馨通鼻  
觀檐牙燈影照林隈雄談  
奮袖持螯飲醒眼看花啜  
茗陪監史不須觴政肅木  
人土偶競相哈

俊逸亭種菊詩六首

夏正方榮鞠蕭蕭辰興趣  
長餐英屈正則冒雨駱賓  
王逸柱延佳色環亭挹晚  
香移來叢桂樹培植共成  
行帶露鋤三徑封泥萃一  
庭亭臯葉未下南國草猶  
青花放霜前晚風來雨後  
馨豈同凡卉種別自選園  
丁

未學柴桑遜先栽隱逸花  
私門桃李少官閣薜蘿賒  
素影猶文藻清秋亦歲華  
齋厨同魯望淡泊是生涯

侵尋頭半白種樹十年遲莫問桑麻長空憐蒲柳衰喜當寒露候  
却有傲霜枝飲水溪潭近長生或可期

一自易農仕故園田已蕪寒堤寒晚秀駱賓王文云秀陶菊於寒堤老圃守秋株傍

落塵埃少臨池灌溉數不須矜異種高潔品原孤

偶然營小築秋色正蕭疎早卉駸駸謝寒花緩緩舒採珠垂昔詠

服餌著仙書蘭草非時伍惟堪伴隱居

坐樾軒前桂二絕句

坐樾軒前桂今年四度開天香宜近襲時上博山臺

坐樾軒前桂香風向夜吹燒燈試相照殘雪一枝枝

夢鼎堂前桂

夢鼎堂前桂兒童攀折多近檐枝已盡獨發最高柯

俊逸亭邊桂

俊逸亭邊桂移栽葉半黃數株沾雨露能作後時香

城南

道腴堂詩編卷第十四

三

十里城南路平橋一曲村槓聲穿樹影山色阻溪根淺水秋逾潔

蕭林日不暄野鷗將小史愴對久忘言

得暉山姪書却寄

秋風一鴈下江潯幾載關山慰遠心聞道鹽溝新卜宅相思人海

舊題襟汝才何日哦松下我老多愁夢故岑白首幸邀封典至爲

郎差喜是文林

園中晚步

日涉以成趣悠然諧夙心亭空延晚翠臺迥逼秋陰孤嶼池痕滿

荒城樹色深林泉十畝宅歸興幾沉吟

坐樾軒晚景

樹杪臺環品字欄雨餘幽磴桂香殘松門不掩深深徑別院黃花

洞裏看

王載鵬南旋過訪有贈

廿年屈指幾相依拂意時多稱意稀西北浮雲久留滯東南秋色

乍遯歸客賓班固言猶戲稽古桓榮事竟非俊逸亭中忻接衽菊  
香酒暖解初肥

登臺二絕句

崇臺面面菊圍欄欄外秋光潑眼寒幾點青山看不盡更需木落  
盡情看

畫溪橋畔牽遊舫萬玉菴中訪舊詩此際聯吟應憶我獨披風帽

振纓時

許王梅沂朱雪響  
許永言同出遊

王梅沂連日偕朱雪響許永言出遊作詩述之

人生最是客中閑况值清秋日啓顏自有勝情工賦咏由來名士  
愛躋攀酒齋粟里相邀飲雪下龍門莫遽還緬想魯公賓客盛也  
從笠澤弁山間

題朱雪響畫二首

朱老畫學龔半畝不讓倪迂范緩工近得心源師造化笑他繩墨  
守家風

道腴堂詩編卷第二十四

四

突兀孤亭縹緲樓深深神漢掛山頭此間莫道無人跡不住仙官  
卽隱侯

坐樾軒中疊菊爲屏邀諸友小集

愛惜秋光肯放寬清時假我得盤桓花中高致無如菊眼底殊榮  
不屬官且喜文書堆案少要知裘屐盍簪難華燈紅醞堪延賞絕  
勝陶家冷淡歡

四安鎮

隨代鷹揚府城荒尚故基舟車商競出宣歙路交岐雁戶編氓雜  
烏亭成卒疲徒令烽堠飾安坐付偏禪

閏九月二日同許永言登樓見初月二首

登樓見初月喜極兩人同真意忘言久浮雲放眼空星河秋歷歷  
烟樹晚濛濛漸墮高林外憑欄興未窮

登樓見初月清景愛山中野氣沉平楚秋聲動晚風明生今夕早  
境歷廿年窮歲閏饒多覲蛾眉寫益工

憶署中花事寄諸幕友二首

菊有黃花桂有孫，小園秋色正堪捫。亭臺佳日常遊集，賓客閑情  
數討論。無那纓冠牽吏事，多時投袂住山村。碧雲紅樹空延眺，夜  
夜歸心役夢魂。

沈寥天氣九秋殘，幾日霜晴萬葉乾。常藉呼童勤灌溉，時煩折簡  
報平安。夜航不斷郵詩便，晝漏稀聞作畫完。珍重軒前一屏菊，歸  
來待我恣同看。

白蓮冲

山村多  
以冲名

青山數里白蓮冲，一路丹黃雜樹重。童豎牧牛無定跡，芻蕘談虎  
有行踪。雁頭葉敗猶鋪水，馬尾松高欲化龍。沒骨張僧繇已遠天，  
然工秀愛南宗。

初三晚望月屬許永言和

重倚高樓望徘徊，日已曛輕霜踈。灌木纖月淡微雲，得意偏忘象  
同聲。自樂羣坐深遲秉燭烟，露夕紛紛。

道腴堂詩編卷第二十四

五

獨守

獨守菰蘆把釣竿，五湖雁影已凋殘。迴車昔有朝歌邑，捧檄今多  
私覲官。南部烟花誰記取，西冷風月孰相干。竹林漫黜山王侶，不  
信良人是古權。

四安移竹

黃侔蒸粟碧琅玕，數挺蕭疎最可觀。高節不當鄰糞壤，虛中無奈  
傍兵欄。礙林樞翳劔難盡，附架瓜藤摘未完。我欲移將官圃種，劉  
郎泊上伴清寒。

竹在舟兵  
居室之後

閏九日四安村樓呈趙芥舟

若爲遲暮不勝愁，天慰詩人特閏秋。鬚髯共饒霜點點，雲山相對  
意悠悠。一時風景仍佳節，廿載光陰尚此樓。情話連朝消客夢，白  
衣蒼狗漫回頭。

四安道中

十日山村返棹遲，水清沙淺路逶迤。支篷愛看霜前景，滿眼楓林

小杜詩

夜泛懷許永言

青山明月夜悠悠  
橘柚烟寒兩岸秋  
處處有詩誰屬和  
與君同泛不同舟

夜泛寄署中親友

良宵重醉菊花筵  
無那乘舟吏事牽  
林木陰中籠佛燴  
水風腥處聚漁船  
溪光寫練千尋白  
橘影涵波一鏡圓  
明月登臺應盡望  
郎官宿映太湖邊

由夾浦踰香山至敵樓沿湖眺望三首

紫綠丹黃樹雞豚  
狗彘村餘糧尚棲畝  
曲蔓自衣垣  
泱泱寒流細  
星星野菊繁  
循崖復遵渚  
車幔喜高攀  
桑田行稅駕  
假日代清遊  
橘柚烟村曉  
芙蓉水國秋  
胷中吞夢澤  
眼底盡揚州  
落落江湖思  
浮雲任滯留  
地軸東南坼  
山椒遠近浮  
半空雲劃界  
一色氣涵秋  
帆影飄黃葉

道腴堂詩編卷第二十四

六

蘆花點白鷗  
三圻餘成壘  
不盡洛吳愁

為趙姊丈春菴題朱雪響畫即送還京二首

長安舊雨若晨星  
楚水吳山笑轉萍  
今日相逢旋錄別  
烟雲隨意寫丹青

橙黃橘綠好天氣  
旅雁聲多客賦歸  
他日相思應看畫  
五湖秋色夢依依

閏九月望夜張燈賞菊同拈唐人韻即送趙姊丈還京

酒滿樽中客滿堂  
麗辭卽席鬪齊梁  
莫將夜色歸明月  
自許秋容勝豔陽  
半老兄弟情更切  
異鄉聚散話偏長  
竚看謀將應重起  
金印還君繫肘黃

趙曾官都統

舟中曉坐

波浪長橋外  
孤篷繫雨師  
一燈雲氣暗  
終夜夢魂危  
時值秋冬際  
山連大小窺  
耐寒侵曉起  
吟白數莖髭

望石城山

志稱吳時烏程嚴白虎築城據此山曰石城山

魏龔云天將雨裡先起氣應之故名

兵壘依然在虫沙久寂寥青山迷虎穴黃葉隱僧寮上有城山寺密竹昏  
無路湍流迅若潮行行頗應接吏隱漫相招

將軍廟

按縣志石城山下有晉建威將軍莫倬墓疑是其遺蹟

遺廟叢篁裏雲山四面稠問神迷世代瞻像肅堯虎豹當階伏  
牲牢特地羞弁纓慚土木肉食鄙無謀陸魯望野廟碑云此乃纓弁言語之士木耳

卽景

一水幾彎環長橋數仞山瓊珠垂野實錦葉染霜顏芻牧漁樵侶  
烟霞石間渾將蔡侯紙幅寫荆關

池上

淡月倦紛擾心情頗紕繆九秋雖月雙臘縛已冬候暑刻促小春  
愁霖錯昏晝今朝自公暇行飯獨窺圍臺磴石髮長亭城烟草茂  
蕭林正搖落水風自清颺霜葉飄綠萍池面鋪錦繡匏瓜已除架  
枯蔓仍繫牖十年湖海身一官成老瘦索寞竟何辭賞心事無右

贈熊心垣

前官山西廣昌令

道艮堂詩編卷第 下四

七

篋裏多文富不貧科名早占杏園春風塵脫屣輕早吏湖海寒裳  
作旅人下若棠陰留蔽葭明大司馬璣石先生初令長興頗多惠政至今祠祀心垣之叔高祖也西江門闕記嶙  
峩响祇今執圖論交日司馬臨邛是上賓

題畫

樓上與橋頭蕭閒屬隱流若人應入畫此景似尋秋樊榭山中境  
漁梁汚上洲茫茫千古蹟舉眼快清遊

朱老用沒骨法寫縣圃秋景小幅

茅屋蕭寥曲沼渾丹黃戢晉點霜痕林間一帶荒城影錯認青山  
老眼昏

苦雨

不斷檐間雨刁騷集百端千金吾自約一諾爾何難鼠不能忘壁  
鴻終欲漸磬若爲調瑟手亟聽改絃聲

咏小山前瘦竹

清節虛中似不如全身透曲漫蕭疎絕無大用塞匏子徒有佳名

著晉書鬱鬱小松寧附勢巒巒醜石自相扶龍門百尺桐枝茂笑爾微生敢並渠

浮雲

浮雲西去又東還直似行人送不閒百態輪囷惟待族四明南北欲移山從龍未致崇朝雨托地徒誇五色爛大塊何當舒噫氣一時掃盡觀天顏

病中夢行蜀道感成二首

一室頽然卧昏昏牀第間宿雲經晦朔脫葉徧溪山拙宦身從嬾勞生夢不閑衰斜千萬里咫尺卽間關  
老來無壯志跬步足怡情豈願漢嘉守何期蜀道行振纓希古調返褐背時名引疾堪投劄菟裘好自營

臺上

寒翠連天山盡開滿城木落對登臺時移漫起勞人歎興至仍邀好客來湖海忘機從獻詠乾坤縱目且徘徊不知旃毳臨風久睨

道腴堂詩編卷第二十四

八

日昏昏暮景催

夜泛二首

半月不於溪上眠重衾輾轉夢悠然吳歌一聲忽高揭別引勞人情味偏

莫是湘中欸乃音若爲水調對楓林歌聲漸遠青山曲烟月朦朧何處尋

曉望

苦竹蕭蕭匝地風青山寒日曉推篷閑情貪看霜天景柏子如珠杞子紅

寒夜

微微雲際月寒色滿庭蕪柝響動街犬羽聲過野鳧愛閑成傲吏習懶任奚奴瘦影相憐惜當軒鞠已枯

朱老爲寫王秋史黃葉林中自著書詩意題其上

孤雁鷓鴣均得名秋林愛咏濟南生滄洋極賞秋史句嘗以王黃葉目之稱君循例號黃

葉詩到無聲畫有聲

卽事

綿綿寒雨下初冬望歲官心甚老農禾稼未知何日納倉箱難卜  
及時封租庸酌濟求民瘼漕賦追呼繫上供日繫那能安素飽憂  
心使我劇蹙蹙

記異二首

乾隆二年十月

野鴨羣飛欲刺天公然下食五湖田怪他禽暴由來有稻鼠於今  
不勝傳

並載笠澤叢書

蝨賊多年喜盡無惱人木鳥又相屠誰將一語聞田祖別遣鳧翁

引衆雛

蚤發

旦起牽官舸寒曦霽景開連村黃葉下岐渚碧山迴支枕依爐火  
攤書對茗杯瀟湘霜鴈影渺渺出蘆隈

雨發蒺城與李武康王孝豐各旋治所舟夜有作

道腴堂詩編卷第 十四

九

向晚迴橈別路岐溪風吹雨下寒漪青山百里不同夢白舫孤燈  
自咏詩老畏波濤恒戒脊暫舒筋骨且委蛇榜歌漁唱如相和一

夕閑情減髮絲

送張漢儀

已作數日惡况吟留別詩飛鴻遺指爪落葉滿臺池漢上題襟集  
旗亭畫壁詞東軒懸榻處唱和一編垂

晚望

新晴驚異色星見已昏黃連夕登臺望經時聚話長寒庭如返照  
盛世自榮光霽雨冬過半陰消漸復陽

寄題月河丙舍贈王親庭二首

著論由來樂志宜依然誓墓比羲之別傳書法鍾繇帖自補筌詩

東哲辭五字輞川賡勝事

王自德題二十景曰白華堂陰雲閣深柳讀書堂微尚軒雲俱步金石局風樂亭稻香亭松間草屋營池質室指月

菴觀獲所龍溪月湖棟花軒飲橫灘清涼

秋水蒹葭我所思

塔支田儂何橋各樂五言絕句詩一首 一區鶯脰記今時溯游不遠伊人在

清曠舟輕日暮過筆牀茶竈共漁蓑江湖滿地閑人少雲樹連天  
景物多一曲璇源載圓折半輪璧月轉纖阿望衡咫尺思求點不  
讓山名大小何謂令兒梅  
許徵君

城隅

一段荒寒水木連稻塍村舍故依然市廛縱有奇贏利不及城中  
數畝田

至日雪中登臺同王徵君許文學

至日登臺望同雲一色昏秘思抽謝賦妍唱擬梁園漠漠衣裘濕  
層層林落繁好懷寧易得掃徑欲開樽

題雪中登臺圖并送王載揚還平望

一之日子之半六出霏霏達平旦披重裘帽重戴踏雪登臨惟我  
輩鄭緊騎驢詩思清常建冒雪曾入京雪中詩畫古有例我輩好  
事何其名王徵士許夫子老夫傾倒君至矣襟懷如雪雪如詩主  
客圖中慚婉美雲山緬邈雪模糊泊宅村邊路不紆明朝小艇載

道腴堂詩編卷第十四

十

詩返登臺帳望櫻桃湖即鶯脰湖  
古名也

王徵君與畫師吳君同舟歸途約遊龜山早行不及作別

賦詩遣信追送之

詞客與畫師同情不同業飄飄兩浮萍泛泛一浮葉啣盃訂昨宵  
相攜詎相脅凌晨不告行行李發何捷初過呂蒙山孤峰波面貼  
漸薄尹村橋連山林外疊木杪見穹龜仰謝首岌業前列青雲根  
拔地不相涉片片碧玲瓏雙屏被畫摺時當寒霧開餘雪傳粉靨  
洲渚布明瑤林壑裁白氎茫茫逗曦景晴色冷眉睫途荒草蕭蕭  
裘輕風獵獵振策步凌兢履穿東郭躡躡諒忘勞筋疲力覺權意慙  
揣稱費經營競勢煩應接摹圖會拂幘得句應貯篋老懶謝晏起  
秉筆理文牒未及攬別袂違期隨步履聊遣一介使望影逐飛楫  
附詩達君旁遙情當我淡

題徐宛農長松箕踞圖小照

我官非陳仲弓君才如徐孺子幾年下榻重南州小邑勞君相助

理君之讀書鄙章句君之讀律如翻水胸次朗朗百間屋落落交情耐終始舌劍心兵性不堪磨頭鼠目口不齒白眼常看世上人箕踞科頭聊爾爾延陵畫士爲寫真偶然落筆便傳神謾謾勁風如御李相看宜結歲寒鄰此時荆棘皆枯朽此時榛莽皆有獨有長身五大夫森森端號蒼髯叟鱗甲從他腹上生枉將噩夢博浮名風濤活活平空起爪鬣盤拏不可攪陶通明蕭常侍風聲琴韻誰軒輕多君自與古爲徒三嘆余詩逆余志

許永言將還吳門送別

前度軒前盈尺雪許子長揖向我別劉郎泊畔望荒寒禿柳蕭條不堪折算來把臂猶數日想到離憂已千結悠悠仕路尠賢豪奕詞場有英傑四海交游三十年半在東吳與西浙如許子者無幾輩家學門才稱夙絕十九首兼三百篇六代三唐恣穿穴僞體榛蕪出別裁文章涇渭區流別辦香私淑在漁洋不啻葫蘆指詩訣嗜痴乃復癖余詩手寫口哦頻擊節登高作賦必追陪載酒題

道腴堂詩編卷第二十四

七

襟靡間缺願隨上下化雲龍能判親疎長膝薛孤情時世懶周旋除却雅言都不晰青燈老屋半牀書由來性不因人熱冷落江楓歲漸闌浩然歸志於焉切聞道君家不在城衡門正對吳淞設海髮山衣碧抱垣松肪桂子香飄檝儋石儲無一卒田善羹橡飯三餐潔敗意無聞租吏呼倚樹而吟自怡悅向里先生是近鄰許所居名角直延陵李子鄉先哲僑札投交自古稱縞紵風流余忝竊羨子棲心物外閑憐余羈宦人間拙眞言執手幾沉吟弗遠溪頭催柁捩遲遲望學賈胡留唱和篇章且更迭

不寐

老樹高於屋風聲屋上吹漏深燈暗覺鼻塞夜寒知寡慾眠宜獨多思夢遣遲羣然成宴息壁鼠伴幽吟

登臺卽事

陰地留殘雪遠山隱羣木木落交杈竹難縱看山日呼童持樵斧登木丁丁斲斲去東南枝青天開一握晴雲披白衣高弁浮翠玉

爽朗無障蔽，憑陵少局促。始知柱頰人，高視非錄錄。

得納蘭戶部齋書，知八月復有出塞之役，來使過歸倉卒，報書未及，附詩作此以志相憶。

三年前度使，行營聽盡悲笳塞上聲。大漠稀逢人北往，長河又送鴈南征。江湖歲晚多風雪，魚麥天涯少宦情。數語恩恩書不盡，相思遑待苦吟成。

偶出

二之日寒方凜烈，青山猶餘半月雪。迴塘古木鴉盤旋，竹翠芸黃溪曲折。空林高下綴烏窠，老屋欹斜連豕垆。纍纍積藁繞樹懸，雪冰凌隨柁，捩冷雲飛白。一片浮野實，垂紅數枝結。舟中過客客，爲誰吟肩瘦。聳撚吟髭十年不調長，城尹歷盡冰霜兩鬢絲。清遊往往牽情思，溪山假我以公事。披裘盡日倚篷看，拙宦由來耐歲寒。

采蘋溪上洲

道腴堂詩編卷第二十四

十一

采蘋溪上洲，忘機逢白鷗。白鷗誰能馴，借問洲上人。洲人共拊掌，目指五湖長。長官有新故，更替方且暮。新官色皎好，舊官眸子瞭。新官學製錦，片段不成匹。舊官工爲裘，裘可千金質。洲人不棄故，洲人未喜新。芳洲白蘋草，流咏五湖春。

偶作

穢里狂泉底，擇鄰幾番策。足幾逡巡樛材擁，腫難爲棟潦。水浸淫別有津耳語，且隨程不識目成誰。與屈靈均駿，駿度越驂駟者回。首空隣，芻狗陳。

送唐爾魏返吳門六韻

少日趨庭八咏樓，中年爲客白蘋洲。宛陵舊業荒三徑，茂苑移家寄一邱。蓮幕風流推庾杲，詩瓢往復接唐虬。江山到處皆相助，文藻如君白莫儔。留客常聯徐穉榻，送歸還共李膺舟。天涯歲晏懽情少，錄別登臨咏四愁。

沈禱崖自桐鄉寓書兼致雪景小幅二首

寫怪來詩思清人骨門對寒流雪滿山句意

沈翁別我久消息共茫茫忽傳咫尺信來自梧桐鄉萍蹤年外約  
詩意畫中長左司吾夙愛掃地對焚香  
此老八十二依然遊代畊歲闌豐旅橐雪後返宣城筆逗太古趣  
人消時世情忍寒招野鶴天際有同聲

求仙二首

碧落傳聞喚謫仙絳河飛渡藕爲船書郵蒼顏初成字食飽庖犧  
首出年山嶽未虧鰲背重雲霞無損鳳毛鮮蓬萊近少驂鸞侶爲  
訪人間謝自然

縮地無須幻術工祖洲幼海寸心通燒丹爐畔春常駐採藥山頭  
日再中青鳥來時星漢曉白驢行處市塵空仙踪縹緲原難測忽  
戲人寰忽闖風

歲暮

雪漲寒溪冰塞川北風吹斷往來船永懷索索如中酒短景昏昏  
似隔年賈傳行藏待前席祖生消息望先鞭稻粱已熟江湖闊爲  
報隨陽雁蚤旋

輿惱詞

所遲客未來來多不速客冰雪宦遊心輿惱寒廳夕

古調

西家蝴蝶飛南榮乾鵲噪滿意快新晴補雉朝飛操

貂裘

當年金盡謝蘇秦採藥方平作隱淪黃綬未教加大邑鮮衣重與  
話前塵病軀垂老常宜煖覲雪凝寒信可珍被服何須患人指一  
官令聞忝施身

東芥三絕句

冰結白髭白雪明山外山巖松與澗竹相顧歲寒顏  
澗道曲復曲高低石齒齒孑孑踏凌兢寒泉傷玉趾  
晨午氣不齊迴車踐往轍向日兼背風冷暖遂差別

實相寺西房示僧衆

歲月繫今夕烟霞管迎送青山藏曲水寺舊名白社尋鷹洞在寺後冰崖鹿跡封雪竹雞聲凍指樹證僧臘題壁計官俸三生粥飯緣一單雲水夢浮踪多造次舊句堪循諷憩息假興隸接待勞僧曝背借前軒蠟梅香欲動數莖南天竹葉葉尾搖鳳熟客求冷歡滿堂一笑哄汝衲勝我裘山中寒氣重

十二月望夜

殘臘今宵月異鄉明日春靖專惟一室形影共三人俸苦難供客文慚莫潤身位卑年日長進退總逡巡

換印

日月走雙丸心情賸一官印文仍舊篆案牘改新觀徑歲抽閑少全身放抱難滿堂寮吏質白髮自相謾

鹿尾

是物信時珍鸞刀獻獵人來從遼海貴充入浙庖新雞口喻徒設牛心炙可偷操刀須自割染指亦何嗔

道臆堂詩編卷第二十四

古

遣興

歲律已將換登然多足音是書皆乞米非友亦分金應對煩難減緘封力不任溪山無復顧留慰宦遊心

歲暮排悶敬茶翁體

俗物眼前少俗情閑處遺且消搖此日須富貴何時詩卷新編帙堂聯自撰辭翻書將鏡鑷扳白倩如姬

除日度雉山嶺一首

歲時人盡有而我獨無閑冷日開晴霧春風凜名顏登臨當臘底喝導出松間按牒詢遺識蕭梁未鑿山梁陳故事云梁武帝時童謠鳥山出天子江表凡以鳥名山者悉鑿之此山獨不鑿陳高祖為皇帝造贈之

單椒禪窟近叢木磨盤名深問法緣難假嘗茶蹟未沉王子春曾遊連岡

穿密篠野徑轉疎林澗復流波闊長橋亘十尋

貓害并序

縣倉南一里有橋焉橋際斷石肖猫大於豕蹲踞雄視扼其要衝

橋名老鼠故術士作法厭勝之而倉中竟無鼠人遂神其蹟比者  
饕舍蠹腴癩輩往往狼藉庖丁偵伺則羣猫搶攘噫鼠之性宵嚙  
晝匿固制於猫者也獨能潛踪斂技不於倉庾爰處未必非鎮壓  
之是摺詎曰無良哉猫乃制鼠者也幸無穿窟食黍輩自可省培  
擊之勞當甘其餘糗飽其殘餼已耳胡反違其性而染鼠之污墮  
其職而蹈鼠之黠是智反出於鼠之下罪且浮於鼠之上矣勿乃  
肖形之假其靈歟抑乘隙而恣其慾歟皆莫可致詰也然列其穢  
跡摘其醜行桓桓林甫猶卽主爰托感於諷寓刺於詩春秋斧鉞  
之誅於是乎在

貪饒原有性羣類却相淆鼠已全忘壁而今只議猫

唐崔祐甫  
有猫鼠議

丁巳除夜

明歲今宵底用猜眼前年去又年來

明歲今宵在眼前  
前文衡山句

蠟梅暖室香如密

爆竹春街輓似雷墨綬賺人淹下位蛾眉從古失良媒采山茹美  
知何日容髻頻驚鸞影催

道腴堂詩編卷第二十四

五

戊午元日臺上作

風光自覺初春好仕宦惟餘此日閑唱午德禽喧晝寢報晴喜鶴  
噪堂顏數株紅綻庭梅蕾一抹青浮屋脊山隨意升高聊散步官  
階不暇企崇班

池上懷許永言

雪消冰泮水清冷因樹橋邊草漸青詞客多時送歸去鳥聲連月  
不來聽前塵尚記劉郎泊別集曾編鮑老亭

永言手編後逸  
亭唱和集一卷

回首秋風

肇歲二日宴寮屬

春來魚鳥覺欣然心靜身閑俗務捐蒼草流年仍作令

余年四十九

梅花

風信又開筵滿城簫鼓占豐歲落日亭臺入暮烟主客典酣非醉  
酒奉酬稱壽極纏綿

敲背

久坐觀書倦筋骸斂似病負暄輸野老搔癢羨麻姑閑召按摩者

如尋導引圖從來心坦適芒刺背原無

散懷

堆案陳編眼倦遮散懷隨遇卽山家晚風池上蕭蕭竹落日城頭  
樹樹鴉但覺官身成懶放那知人世有繁華依楹傍柳添欄檻擬  
著浮槎繫岸斜

人日登臺

發春勿勿值靈辰令舉登高故事新今徵前事爲退  
之人日登高句剡寺題詩曾命駕  
夔州踏磧記逢人風如張旭顛無似梅與林逋韻絕倫挑菜年光  
情緒好等閑嘯傲薄冠紳

人日過陸廣文

莫言卿至稱人日竊做題詩寄拾遺勞吏經年閑日少冷官清况  
素心宜緇帷林下橫經籍首藉盤中餉粉養好戒門生昇籃擧花  
時梅街訂幽期

咏陸雲

道腴堂詩編卷第千四

去

自獲平吳利初逢入洛年浚儀居要地參佐住西偏日下名終亞  
謂荀  
鵲雲間姓早傳鬚繩遮莫笑顧影記臨淵

亭午

亭午無人獨倚欄俊風吹面不知寒雷聞草甲萌萌圻夏小正戴氏傳  
云正月必雷雷  
不必聞人日  
清晨聞雷雀啞梅苞顛顛殘嬾去折腰趨綵戟閑來負手矜檀藥

一城如斗吾專領便作山中宰相看

出郊

一出郊門展客顏村田景物劇相關踈踈密密高低樹淡淡濃濃  
遠近山塔勢孤標城郭靜溪流清佩野橋閑水經注鮑郎  
水北佩謙澤不寒不暖  
風光好春到梅汀蘭澤間

上元前一日風雨阻梅街之遊晚坐看梅作

花時前度記劉郎回首山中境渺茫風雨緣慳今日約壺觴興減  
昔年狂頗知樂事原難必便阻清遊也不妨閑閣懸燈聊卜夜家  
梅未遜野梅香

元宵雨

令節稀公事陰霖奈獨閑未離屏榻畔不出戶庭間晝晦燈先上  
時愆念最關坐憐花與月侘傺若為顏

贈錢筠青

籍里應推平望鄉科名綺歲占文場神清譽自高人發錢若水幼稱儒  
神清可以寫道  
不然當大貴  
錢照善學富書傳秘府藏錢文信於書無不讀  
家儲文籍幾俾秘府太雅談波騰北宋陳搏見之曰子  
宋史  
談笑

池上三首

葦軒前度軒成雪洞吳興人家編竹環於梁上以粉壁  
之與四壁渾成無縫名曰雪洞映此池上月晶晶水晶域

蕩蕩白銀闕湛寂自生光澄心坐起忽

種桃宛宛邱天天而肺肺遠擅武陵源近著紫花瀨美人笑春風

瓜瓠水雲外

剗木象浮葉釣詩不釣魚儘堪共賓客時復載圖書迴環島嶼遊

泛泛縱所知

道腴堂詩編卷第二十四

七

汎劉郎泊

春風繞岸綠蘼蕪春水淨莫汚偶弄禽魚忘物我不妨天地  
有江湖浴泗弱柳絲絲拂搖漾晴雲片片鋪解識香山池上趣生  
涯汎汎水中鳧

姚尊山太守招宴湖心亭

一官瑣尾如飛燕歲歲春風到武林偶聽笙歌消白日頓忘山水  
有清音廊迴碧檻雕航繞花映華燈彩幕深高會且擠歸棹晚多  
年不醉此湖心

載花梅蘭水仙  
結香四種

臭味雖不齊各自負殊色四美共一舟便是眾香國

野泊守風

長超山下浪花圍湖跌漾邊蘆笋肥白頭兩度長興令一食依然  
興不違余舊有舟中  
食蘆筍絕句

返署作

東帶歸來興欲狂，倏然直似客還鄉。亭臺風月從吾好，屏宇梅花是處香。行樂底須官職貴，愛閑且杜俗情忙。沿池掘得蘆根種，待看蒼蒼水一方。

縣齋卽事

紛紛劇邑事如麻，且趁齋居未坐衙。幾日晴明春欲半，含桃開遍滿枝花。

池上二絕句

劉郎泊上綠蘅蕪，環種桃花數十株。人面幫腰相映發，河陽春色傲檀奴。

盈盈一水隔紅塵，想像元都觀裏春。前度劉郎緣未了，者番來作種桃人。

臺上見民家玉蘭盛開

二月庭梅盡春光，到玉蘭不須官閣種。却借望鄰觀近似，墻頭雪逢當樹杪。欄憑陵驚老眼，未覺霧中看。

道腴堂詩編卷第二十四

六

喜許子至卽同池上泛舟

適叶滄洲趣，輕舟手共操。淪漣半篙水，紅白數株桃。孤嶼中川媚，長林匝岸豪。歲寒厓畔別，今復此相遭。

臺望

版築墻低苦草黃，隨人領畧好春光。山如屏幃東南映，幾簇紅桃間綠楊。

同許永言泊舟前度軒

春風池上好，桂趣在萍牀。小舟名茶可兄，甘露蘭當祖。衆香談深方促，膝興熟便褰。裳落落無賓主，形骸已各忘。

移桐

西院梧桐樹，閑來相地移。孤生原中律，百尺豈無枝。珍木園中少，清陰亭畔宜。不煩高士洗，種法彙馳師。

遊龜山四首

延緣一棹入花林，水曲山迴引興深。桃李成蹊春不管，年年有客

一來尋

花裏人家自作村參差林落各開門直從山腹鋪山趾不辨天孫織錦痕

山農歲歲競開荒添種紅桃又幾行秋實取將償賦稅春花不為引漁郎

李下梨根豈齊綠烟深映白雲低絲絲弱柳新陰外又見黃金布菜畦

嚴墓地名

莫是君平胄將無東馬羣何年坐此域烟水表邱墳近逼清明節長懷溟漠君見謝惠連祭古塚文推筵延曉坐一路菜花薰

夜泊烟雨樓

秉燭快登臨亭廊次第尋孤踪懷印綬連舫繫花林月暗平波闊鐘清野寺沉五湖倦遊客茲夕遂閑心

曉泛鴛湖迴望烟雨樓

道腴堂詩編卷第十四

九

樓閣圖  
極目中流島嶼孤水雲光景疊花村分明別有人間世一幅仙山

訪曹侍郎倦圃今主人拒之不得入作二絕句

墨林銷歇古林荒散盡圖書萬卷藏惟有左徒蘭圃在金陀還表舊時坊地即宋岳倦翁金陀坊故址

平泉木石久歸人勝蹟長教天壤存縱是後來能潤屋滄浪名豈辱章惇

同羅明府再遊烟雨樓

一彎堤跨小紅橋搖蕩春情繫柳條鬢影衣香消不盡折花歸去遣無聊

鏡中桃花三首

粉白脂紅蹟面新息媿粧飾楚宮春鏡光世界明如水顧影無雙却兩身

折得鴛湖一樹紅扁舟載過水晶宮薛家鏡子屏風樣一照嫣然

更不同

一樣妖嬈似尹邢玉臺相對研頭瓶燃脂暝寫情人句使我殷勤獨鑿形

古意

草樹非一香草與水同色二句俱古詩歷歷有情禽時共林塘息

小簇園詩有序

新於水北構停橈館與前度軒相望合之劉郎泊宛宛邱俊逸亭博山臺鑿仄洞兼山磴坐越軒及小舟萍牀共成十景為小簇園云

老樹荒池風景存經營草草便成園山貲不為他年待宦况聊堪此際論歲月閑情消白髮春秋佳日遣清樽勞人鞅掌無多暇只似郎家半日村

與許永言論詩作

絕調千秋擅盛唐古來情景足相當洞庭秋水河汾鴈只許湘娥

道腴堂詩編卷第二十四

二十

與漢皇

春寒

浮雲不散五湖天日日春寒未卸綿桃花半落青莎長茶禘年光穀雨前

停橈館二首

不待輕舟去臨厓喚可磨琴樽平席水花月隔池燈萍動檐陰碧欄浮雲影澄一方瀟洒地率爾興堪乘

剝竹通幽徑林塘隱帶間籬編花作障窗穴壁如環遠映孤亭靜平臨一島閑坐深吟不盡隨意挾書還

宛邱夜集二首

笙歌一醉湖心亭烟雨樓前又泊舲何似今宵坐洲島元次山詩酒徒歷歷坐洲島娛人好景未曾經

宛邱宛在水中央繞岸燈光烟景涼自有小童能蕩槳百壺春酒

送萍牀

小簇園外景六首

林際晴山

蒼蒼高弁山連峰不見頂古木平欄杆一幘林間影

南樓遠影

屋角參差裏浮雲何處邊心知不在遠縹緲訟堂前

女牆蘿薜

石古如纍鐵衰延雉堞排牽蘿看青壁正好結茅齋

金蓮仙松翠

數里橫遮郭蒼蒼直到顛風濤終日起知與五湖連

近郭浮圖

咫尺城隍隔我窳窳堵波林鴉翔集處留得夕陽多

村園修竹

日日墻頭看何妨卽主人洋川饒太守不俗自清貧

劉郎泊歌倣元次山石魚湖作同詩永言

道腴堂詩編卷第二十四 三

劉郎泊似太湖輕風不動雲濤無宛宛邱似洞庭一痕出沒湖中  
青絲萍靡靡過疎雨忘機宜著鳥鷗侶停橈館前舟自橫投壺散

帙有餘清用杜句

劉郎泊舟中和韻二首

雨餘三徑爲君開新柳陰陰滿岸苔率爾寒裳自休暢漁梁洲畔

泛舟來王梅泚

好剪江波續絲箋旗亭詩話想同然風流一代推丁卯獨擅詞場

七字篇詩永言

小簇園續景二首

慧可骨似峰金華松化石但博丈人稱莫踵居士跡

右木偶峰

春池深不沒新稊發枯柳倒影映明河依然犯牛斗

右稊槎

以黃山松一竹鷄二寄王親庭附一絕句

仙藥烏啼雲海深軒轅臺畔棟松針竹鷄聲裏扁舟去載向月湖上尋

輓王立夫二首

吳興名士多於鯽幾輩昂鶴出羣一代清標有之子千秋大業在斯文展會堯市山頭著袂向僧堂飯後分

康熙辛丑春同宿壽聖寺題名石門山

今日

雒城重下泪廿年前哭蔣凌雲

名志棟一字大梁康熙辛卯孝廉篤學能文

憂患餘生日杜門

立夫嘗被牽累逃繫西曹數載

擁書何假百城尊非公未至言游室

問疾殊慳自牖言禘祓遺孤應有托田廬舊業已無存青山何處

堪埋骨私諡惟憑小婦論

立夫已喪偶言惟畜一妾

池汎二絕句

漠漠新陰綠四圍楊花如雪弄晴暉由來不涉浮萍事萍滿池塘絮始飛

扁舟不繫任西東纔傍蘆漪又竹叢一寸水添三日雨半艙日度滿林風

道腴堂詩編卷第二十四

三

停橈館午集次王徵君韻

拙宦心閑地自偏良辰更引興纏綿浮萍踪跡同池上飛絮光陰近酒邊故事已聞春服就新詩能使俗腸消坐中若有旗亭妓不唱黃河遠上篇

題徐啗農小照二首

解道平生長物無此身到處是蘧廬看君一似元真子明月爲燈室太虛

出塵風致本頹然象外心情物外傳獨往獨來人莫識不妨我與我周旋

橋南

橋南步履乍披帷委巷陰花落遲肘後香囊懸叩叩腰間綬帶繫纍纍人傳賣餅公羊癖自愛吹簫石帚詞含睇由來又宜笑滿堂知與日成誰

道腴堂詩編卷第二十四

道腴堂詩編卷第二十五

雲中 鮑 鈺

辛浦

後吳興集辛

上巳邀王徵士許文學劉郎泊脩禊同和蘭亭集詩分得

王右軍韻二首  
泛泛曲水流玩可周寒裳風暖操漿手柔顧茲渦泊擅勝芳流筆

牀茶山 繇宛邱  
逸禮緇溱洧遺風溯洛濱蘭亭向千載粲然詩畢陳延年文製富  
元長才力均清流共今古齊契同情親

若溪柳枝詞六首

手植池塘柳一行高枝容易過人長可堪飛絮難收拾飄蕩隨風  
上下狂

楊白花飛春已遲三眠三起太猖披青青那解映松栢却繫黃牛  
細犢兒

道腴堂詩編卷第二十五

一

昔時憔悴感江潭逗漏春光弱縷舍今日攀條相欺得依依韶景  
負重三

搖曳閑愁無處無章臺寶馬白門烏荒園盡日知誰屬乞寫黃羅  
付慶奴

羌笛何須寄怨深新詞未唱意殷勤忘憂館裏英髦集分付聯袍  
與列襟

托根漢將營前種風絮旋飛謝女階若使當年傍張緒不辭充枕  
又充鞵

停棹館卽事

朝來退食早心跡倚欄清水靜萍方合風和雨又晴種蓮標細竹  
分菊識佳英五斗腰從折邊希處士名

前度軒卽景

不覺清言久林塘入杳冥一燈明岸柳片雨響池萍乘興還留客  
勞生且息形玉壺堪買醉坐拒蕙蘭馨

遊白雀寺

追錄丁巳遊作

白雀今禪窟青蓮古道場廿年尋舊跡三月選春光聞梵光明殿  
聽泉清快堂豈隨諸仕女競炷佛前香

咏小山羣木

松有五種黃楊檜榆楓各一本皆長不滿尺

瑣細羣木蒙龍蓋一山凌雲空負質  
迥雨易爲顏特地栽培久隨心造化閒  
不須迴袖拂日極五松閒

太白詩要須迴袖拂盡五松山

夢轉

夢轉譙樓鼓四過滿城風柝雜鳴蛙  
宦情未薄閑情劇待起應官課灌花

聽都下周山人琵琶

桑葉倚猗戴勝鳴琵琶彈出故園情  
曲終驚起江南客座上從來無比聲

雨中簡王梅泚三絕句

雨中輿惱多閑夢不羨高官不憶鄉  
水北花南孤館靜無人管領道  
廋堂詩編卷第五

二

竹風涼

環渠決決似奔瀧暮色沉沉欲到窗  
看取鮑昭屏上雨莫教張翰憶松江

樹裏空聞鳩婦愁水邊添有活東遊  
江南風景黃梅近舊雨長安憶得不

池上送春

東郊猶記歲前遊  
笑看流光似踐更  
人事因循花幾落  
天涯潦倒雨時晴  
青荷浦裏難勝柱  
新笋林間已解禰  
衆綠扶疎紛遶屋  
依依楊柳最關情

立夏日與王梅泚往蒼溪道中作

恢台已代陽和令尚覺春光此  
滯留處處好山開笑靨村村  
漲芳流日長雲物連天迥  
雨足林陰遶岸稠  
載得筆牀茶竈在今朝  
王子與同舟

題雍正壬子清明城南看花詩倡和本贈王載揚徵士

光陰過客誰爲主  
花開花謝成今古  
對花卽事想前人  
前有熙寧後洪武  
熙寧洪武事相沿  
歷世悠悠三百年  
蘇公高倡惜花句  
楊公重賦看花篇  
吉祥寺裏西江省  
人非境別同韶景  
蘇公楊公兩蜀人  
風流異代詩名並  
六百年來軼事新  
花應不減昔時春  
雍正十年歲壬子  
清明輦下聚詩人  
清明壬子時相值  
花醉春遊徵故實  
春風無歲不開花  
花開何處非春色  
花前鶻咏且徘徊  
古調今花兩莫猜  
歷歷鴻章多舊雨  
翩翩勝引未追陪  
鴻章勝引蘇楊比  
花似銅人逢薊子  
更待春光三百年  
聞風千載猶興起

初夏過烏程羅明府齋前鶯粟盛開賦贈

纔看婪尾殿  
春餘米殼花  
開又夏初潘岳縣  
中人共羨羅含籬  
日方舒赤城霞  
綺紛難狀鐵網珊瑚豔  
不如自是長官工製錦  
歲時佳麗滿庭除

萍牀晚泛同許亦濤

風光四月正清和  
落日園林興趣多  
紅練白練拂林鳥  
如柱如鏡

道腴堂詩編卷第二十五

三

出波荷偶然解帶閑  
移棹自覺披襟勝  
何蓑君是栢湖座上客  
新詩添入篋中哦

小園

蠶月官閑物候齊  
木陰蒙密草萋迷  
華裾近揖高軒過  
蓬壁新邀

巨手題

曹少參行部見過盤桓移時題贈一聯

病怯奔馳過佛日  
老耽清寂類禪棲  
八吟

聊當蘭成賦  
坐盡斜陽竹影低

偶諷

繡被寧舟感鄂君  
翠衣執手悅莊辛  
膳奴謦欬牀帷近  
大抵河間主人

小簇園十二景石柱詩

園林周密記石柱  
魯公留同是吳興  
地還須掌故收  
此邦存息壤他日老菟裘  
根柢堂中植陽冰  
筆力道

字用篆書舒元興玉筋篆志云分明見文字根柢植吾堂中

讀西湖志作

來往西湖二十年  
遊踪吟徧鹿頭船  
奚囊多少閑詩句  
不博風人

採一篇

秉筆者多  
余皆識

拜胡安定先生墓

昔過投書澗

在秦山下  
有三賢祠

今訪何山麓大名孫石齊善教蘇湖獨道學

啓諸賢濂洛關圍續一時先生稱千秋有餘馥巍然馬鬣封蒼蔚

拱宰木墓田絕樵採古碣生金粟欣看丙舍新

太守胡公重脩

與廢激頽俗

我來整冠帶展謁禮虔肅退撫宋時松清風吹謾謾

在蘇東首數  
武枝餘尚佩

挂瓢堂懷孫太初先生卽次宿歸雲庵元韵

當年鴻鵠並高飛五隱蕭然林下扉鐵笛一生君自得青山千古

此人稀堂顏少谷垂名在墓識中郎有女依一挂鶴瓢傷羽化幾

時華表伴雲歸

東坡書院

巖花躑躅紫山果枇杷黃不道遊書院騎驢在道場

瑤席池

涓潔不可唾清冷容可枕漱齒冰玉寒日供山僧飲

道腴堂詩編卷第五

四

晚涼臺上同許亦濤

夕陽明滅屋山紅乘興登臨坐碧空青石柱標孤館外白衣人過

綠烟中心如止水冷冷淨身與虛舟汎汎同衫履翛然成愴對消

閑直待月升東

雨中邀沈丈樽屣輪翁太史王徵士梅芹姚茂才慧田敬

直昆季放舟峴山泛碧落湖入學士橋向蘇灣訪陳令舉

故宅遂循車蓋山歷浮玉塔上下釣魚湖口諸山浴潘塘

而歸

清遊愛城南山影連溪碧短篷吹細雨冥濛烟翠積遠渚環沙汀

近听巨苔石雲停埕埋頂谷轉林迷隙叢蘆密篠間櫛比前賢跡

但牽一葦航不廢幾緗屐閑情對樽酒雅語徵釣碣今朝水雲鄉

讀漁洋山人年譜偶題

何用邀遊補缺遺

吳寶璋序  
鷗尾集有云欲  
邀遊西湖以補全集之缺

二齡一到少人知集中已有

西湖句夙昔由來夢見之

漁洋送湯荆岷使浙江詩云  
我愛西子湖風昔夢見之

### 題棧道圖障子

右丞昔畫騾綱好此畫不必臨舊稿經營意匠發天巧銖黍微茫  
都了了寸人豆馬結構殊丹青工細勝狗踈胷中須貯數卷書更  
須遊覽萬里途自然筆底開生面人物衣裳非杜撰拂幘彷彿身  
親見褰斜千里連雲棧棧道景致故實多眼前不耐口縷羅我吟  
我詩抒我噫高堂素壁容婆娑此間道路曲且委縮在一幅涇縣  
紙今古休論行旅艱且看南宗著色山

### 題小幅仙山樓閣圖

人間局促不可住神仙之說從茲典文成五利本罔誕蓬萊縹緲  
原難憑域中洞天福地在往往虛名托茫昧草木食住山人谷  
飲邱棲逃世輩那有五城十二樓亦無三島與十洲荒忽海氣浮  
蜃市畫師刻意窮冥搜毫端奇幻真百出金碧甃甃藏翠律華卉  
歲粧水石靈衣冠人物俱飄逸異境神遊不可名超然非復世間  
情抽閑日對焚香坐隨遇忘機自達生

### 道腴堂詩編卷第二十五

五

### 病起寄志館諸公

萬興惟閑病轉勞催科日日算錢刀爐中未斷文殊藥泊上徒滋  
仲蔚蒿上巳園林傳袂襖花時壺矢記分曹玉湖一別懷三益禿  
盡中山幾兔毫

前度軒東老樹成林結屋數椽以茅代瓦以竹替木用以  
休夏當晝不見曦景作詩招許子亦濤

竹屋茅檐四壁空日長坐卧木陰中止應明月來相照不礙清風  
若與通三匝有枝棲野鳥一瓢無地著村翁老懷愛踐清涼境散  
髮林阿定我同

### 聞笛

綠樹關深院流螢暗裏明笛聲何處發池館有餘清梅花五月落  
楊柳一春情

### 雪水橋道中

清夜沉蒼雪夢覺聞鳴櫓不知夜何其但見山月吐啓明爛將曉  
長河耿遙浦歷歷野樹林濛濛遠村塢橋聳兩牛角陂疊萬蛙鼓  
舟子歇吳歌綠人猶囁語此時獨醒者神全自太古

別沈禱崖

與君又遇水晶宮過我扁舟話不窮萍葉浮游無定所後期相約  
待秋風

橋成

浮生惟信步偶爾一尋梁柳藉波心蔭荷舒杖底涼振衣招好客  
濯足送斜陽坐愛輕儵戲閑心許惠莊

時雨歌

訟堂雲湧如山按南風吹雨飄公案兩行人吏將逋竄長官打鼓  
衙初散庭堦草沒波洄漩天紳亂擲檐前練不辭沾濕臨池岸淙  
淙漣漣迴欄畔新篁搶地枝凌亂荷盤蕩漾明珠渙欲刺萍牀舟名  
弄漉汙好坐梯槎池中竹楊也泛天漢等閑此景堪稱羨何須嘆老嗟甲

道腴堂詩編卷第二十五

六

宦况當五月方憂早農家引領雲霓盼一沛秧田膏澤徧澤農拊  
掌山農忭勞民勸相職所擅攜錢擔酒賽裳便交歡曷趨遨頭醺  
睡起

連日齋居未坐衙綠陰濃撲小窗紗斜陽過雨睡初起手弄庭前

子午花

子開午合  
洋種也

早卧

小倦和衣寢繩牀一覺殘孤燈今短夢夜雨舊長安洪武中改長興  
爲長安州五年  
十年將近尋常興較闌羸軀無別望多睡與加餐

朱君來自杭餉西湖蓴絲一器

雨昏方晏起盥漱問朝饔聞泊烟中棹喜迴湖上蹤參差流苻菜  
滋味著吳淞不是性同潔何能遠見供

食枇杷

老似兒童得食歡傾筐無饜買金丸何須丹荔來炎海底羨朱櫻  
出上闌三日陰晴梅子雨五湖風候麥秋寒津津更待楊家果併

八相如賦裏看

許亦濤和余食枇杷詩頗有唐人風度再作一首

夢尋却月覺猶香蘇詩夢逸吳山却月縹緲峰前樹樹黃要識上林原

假飾却輸吳客得先嘗江鄉節物充筐篚口實佳名咏栢梁 聖

代復聞明詔下今上即位初詔傳各不須往事論唐堯

亭廬

炎暑不徧地清風自隨人誰云縣大夫而與林水親就蔭架苗茨  
拓地除荆榛軒檻映幽藻籬徑穿叢筠閑雲故悠悠野鳥來呼鄰  
非惟追煩熱抑可祛歎塵良人緬古權浮世聊沉淪隆中愔高卧  
浣花苦吟呻跡韜誠匪愚性癖終難馴草茅亦復佳名繫千古身  
追往慮無違觀化理則均解帶一寄傲靜言率吾真

無題二首

白紵縫裳黃竹箱年年芳氣染都梁朝含雞舌郎官署夜蒸龍涎  
隱士航翠羽簾窺韓掾少緣熊篔接令公香堂前燭滅羅襟解一

道腴堂詩編卷第五

七

石留髡醉不忘

金鴨銀荷煖曲房鬻香長者善調香自添簫局熏衣火別乞芸臺  
辟蠹方隋苑論車燒甲煎漢官對辟擁仙郎幽蘭梔子均堪贈一  
樣同心臭味良

夜懷王梅泚

已醒重五酒定返一雙橈戍鼓催帆競漁燈照夜遙倘來池上酌  
相待柳邊橋暢叙兼旬別來晨破寂寥

懷人

梅雨過庭花亂開荷風入座暑將催秧針刺水官初暇竹葉生香  
客未來

謝公墓

三鷗岡上草芊綿萬劫猶存太傅吁南度風流推雅量東山絲竹  
感中年神叢社祭應無替鄉民即其墓前立廟古埭荒墩恰並傳重揀碑材脩

墜蹟要令芻收識名賢

等閑

等閑成傲吏紗帽對鷗眠興寄水亭畔意深香徑前鳥飛如曳帶魚戲故依蓮日落黃昏近開襟待月圓

漫興

俯仰隨人百不中行藏何惜首如蓬少陵往事傷今雨太白新詩咏古風眼底浮名流水等天涯久客故鄉同逸情漫逐滄洲遠且看園花一一紅

古意

檳榔扶留可以忘憂復有護草異趣同流一解護草療愁言樹之背護草宜男初以為佩二解蓮子抱慧梔子同心合歡花開望歡到今三解歡食檳榔儂佩護草草木有情與歡偕老四解歡療儂愁儂解歡憂黃葛爛熳結根繆綢五解

夜泛用謝宣城韵

晶晶此溪月照我清夜遊蒼山映極浦棹歌衍中流漁人自蕭閑

道腴堂詩編卷第五

八

客子方厓猶平生温飽志崇高非所求胡為徇微祿辛苦多煩憂

白鶴嶺觀王副總戎演戲

三翼朝停畫角鳴戎裝小隊入山行旌麾列陣風雲變草木連天霹靂驚 聖代未教弛武備將軍聊用佐昇平風流裘帶羊開府今古何容有異名

閩唐書作四首

內道場中禮薛師大雲秘典獨矜奇道人淫毒饒風病止合傳衣沈御醫

小寶何叨鄂國封凌烟難處尉遲恭九州鼎就天堂燬白馬輿尸始絕踪

單于臺上紀功還符命初陳革命豎竟使金輪作天子由來彌勒下生天

控鶴麟臺拜命新紛紛獻媚競詞人六郎豈直蓮花似子晉由來有後身

亭廬晚興同許永言

樹隙逗斜陽參差碧間黃竹深從徑曲水滿覺池涼自愛香茅宇  
何期綠野堂與君成靜對忘却是他鄉

園林雜興十首

高柳蔭清池弄舟薄碣岸披襟愛朝爽遂就橋邊飯柏花綠糝萍  
荷葉香浮案食罷客未來風蟬數聲亂

林池夏氣清茆茨午陰密蕭然山水興有客琴橫膝鳥聲竹間靜  
蝶影花邊逸冷冷一再行移情消永日

蒼溪不百里風便帆阿那吏白故人船已泊縣門左手攜一束書  
商略來就我入座挹蘋風冷然意俱可

齋居三五日僧將山果至素飽媿珍新分減勞布施公離肉食相  
我托烟霞契回首道場遊雲山渺蒼翠

蟬雀各自得風林相與清奇雲天末散落日樹端明判牘秉柔翰  
蒲酒忘冠纓誰云巖壑裏復有隱人名

道腴堂詩編卷第五

九

林亭固自佳清風夜來少呼童捉坐席與客登臺好天迥星漢澄  
心孔虛無擾何用啖螢芝叢薄明丹鳥

池邊野草花紅白各自媚嫣然如季女一笑世無配我師許散愁  
冶容漫相誨盈盈曉露清萍牀跂脚對

亭亭盍中荷莖一花有四壁錫以佳名尚象如製器昔登上林簞  
曾入西京記漢名夜茨菇此寄生映帶亦成字花三解有  
品字形

雨過徑草生池花開已謝檐籬拂蜘蛛鳴虫依不借浮雲與客心  
去住俱閑暇西日揚殘暉照我林間舍

傍池槐與柏各自負清陰愛此交讓木因之無競心林間卞山影  
翠落古城陰散步每相就巖權復憑襟

贈王親庭

不須傾蓋曾如故乍可寒裳却恨遲燈火園林一盃酒烟波魚素  
幾番詩青山永日留佳客紅樹秋風訂後期嘯傲君爲鶯脰長憐

余難助困明時

午山曉泊

捲幔乘朝爽青簾映水紋勞人忘吏事靜侶對鷗羣兩岸稻苗秀  
一山嵐氣分畊漁皆可托逸興幾翻翁

茅亭消夏同許亦濤論詩偶舉劉考功句恰與境會因綴  
成一律

森森日影散迴塘嘒嘒蟬聲水一方荷氣靜當留客處竹風吹到  
論詩牀考功和羹未解明湖讌避暑休誇河朔觴不信人間無六  
月素心於此得清凉

卽事有感

細雨不破塊雲霓望轉空鼷鼠腹未滿龍伯耳何聾我失治縣法  
宋丁謂卷誰居贊化功未須憎旱草稂莠且芄芃

得雨

華陽洞口片雲催雨逐茅山道士來應是乖龍愁割耳爲霖無藉  
駕風雷

道腴堂詩編卷第二十五

十

絕句二首

孤燭卧空堂闌蘭百箭香傾盆聞凍雨送喜老夫牀  
三時遭亢暘五月過小暑春秋有明文特書六月雨

夜泛

風涼河漢夕露坐不遮篷對月思安處臨流戒熱中雲霄稀倦鳥  
歲月幾飛鴻昨夜空堂雨閑消抹麗叢

郡西歸舟

雲錦田田繞郭荷好山故傍郡城多偶來東帶渾忘暑况是浮家  
張志和

劉郎泊採蓮歌七首

重臺本一心並蒂相連久花開品目多各自饒佳藕  
橋東亦有荷橋西亦有茄儂心在蓮子郎意在蓮花  
荷莖挺挺長荷葉團團大勸郎醉碧筒爲郎張青蓋  
朝采坐梯槎暮采卧萍牀牽絲莫傷藕芳惹在蓮房

盈盈荷上露搖蕩終不流風吹花瓣落相與弄仙舟  
藕絲似情長教人那可量蓮心似茶苦教儂奈何許  
桃熟邱中樹匏繫泊邊籬莫歌和府調且唱采蓮詞

伏夜

夜氣清無暑澹然寡所營林邱吾肺腑風月此心情梧竹先秋爽  
池塘待雨平蹉跎矜計得老愛雒州城

奇懷戴按察卯君先生

報書忽喜到山庭翹首金閨幾驛亭君子鄉邦吳季札詩人官職  
李滄溟近游苔雪稀今雨舊侶雲霄散曙星咫尺因風托方便重  
勞雙眼爲垂青

讀馮舍人遺詩前有趙宮贊序漫題四絕句

撼樹蚍蜉不自量望洋何處得津梁饒伊便具修羅掌難障中天  
日月光

奇情險語遺音少邁古駭今僞體生八字趙序中語著意門庭關山左不知

道腴堂詩編卷第二十五

十一

墮落野狐精

漁洋大集斗杓垂田謝聲華亦未衰世士何嘗盡聾聵不知咳口  
欲誰欺序有云漁洋田謝聲華亦沒納城

漁洋矯矯本猶龍任爾狂談逞筆鋒趙有談龍錄專爲指擊新城作秋谷泉流雖颯沸  
小波終莫識朝宗

小簇園續景四首

容與橋

八杉併一梁雙柳交午稻禽魚此親人曾心了無禁

檀欒徑

水外若無路林邊自有風偶隨啼鳥去笑語隱芻童

竹棚

清樾四檐滿好風時與俱就中橫素榻卧見羲黃初

花欄

不學黃白術詎希朱紫榮愛渠羅衆彩自傍藥欄生

惜荷

悴憔悴葉色清泉水不滋  
燼燼陽燄熾赫赫夏雲奇  
怒欲拗蓮柄枉將搜藕絲  
寄言周茂叔君子道消時

頽然

頽然漸老欲忘形送抱登高愛伏櫛  
秋水一天星歷歷春風千里草青青  
尚餘結習難投筆未了因緣又化萍  
秀麗山川魚鳥地不妨潦倒托沉冥

述舊寄戴按察四絕句

詞壇酒坐久離羣遙望姑蘇是白雲  
老我一官踏陳跡往來苔雪每思君

豸冠傑直西臺日驄馬巡行右輔時  
青眼黃金都不惜感君戀戀故人思

水晶宮近太微垣秋樹居成列戟門  
廿載山房舊賓客敢將詩句乞重論

道腴堂詩編卷第二十五

十一

當年選勝石城頭又作相如論蜀遊  
記得秦淮看秋色惟君部下最風流

夜行詣方山祭龍乞雨口占十六韻

兩炬乘涼發三更戴月行野風葛衣爽  
殘夢筭輿輕阡陌塵埃靜陂塘露氣清  
數枝山茗邈幾索稻搶攘閣閣蛙鳴  
鼓信信犬吠聲入林棲鳥覺歛戶老僧  
迎庭藝桑兼苧茶燒鑊代鐻咄嗟饘粥辦  
指顧鬼蟾傾近麓饒豐草晨星淡啓明  
澗枯危踏石水嫩細流泓絕頂龍居秘  
層崖鳥道縈巖巖寧痺瘁告牒政陳情  
洞口喧簫鼓壇前肅體牲蜿蜒如醉飽  
飛躍莫屏盈勿使應璩誚須知諒輔誠  
遲迴下山路大壑盼雲生

不雨

灰人鶴立偶龍馴風伯雲司也  
賺人但解漫天作聲勢絕無一滴  
惠斯民

卽興

浴罷園中取次行夜舒荷放望舒盈移燈近置花邊照拚傍欄杆  
坐到明

休夏

滄浪只似小池清隨意狂歌自濯纓宗炳卧遊堪送老廷蘭動操  
足移情太常逾月清齋肅時久早校尉多時白眼橫消受人間好風  
月句囊增重俸囊輕

懷王徵士

品字蘭開君正來光陰迅速過恢台只今器宇蓮花放無計邀君  
共舉杯

題沈編修雙艇尋蓮圖四首

大夫不特舟方舟如方馬借問別花人應首愛蓮者  
尋蓮何處好尋蓮北潭裏知近廉讓間清芬挹君子  
真人出遊時蓮花開十丈人瞻聚德星各各蓮花上  
芳潔不染俗衣裳矜楚製如海浩蒲蓮詩情自孤詣

道腴堂詩編卷第二十五

三

獨坐

獨坐蟬聲裏看雲莫解愁風花不致雨夏木已鳴秋土溽勞民望  
年荒盛世憂格天無善政錄錄枉祈求

乞雨

不測天公意將貽 聖主憂地連千里赤歲歉數州秋井渫方更  
水溪源已絕流廣川遺法在試一乞蚩尤

北山山行

輿中饒病卧帷敞來清風斷續聽蟬鳥紆徐度灌叢新秋山更碧  
小樹葉先紅不識浮雲外連峰何所窮

金沙泉

金沙一脈水幾度小橋衝忽喜澄潭靜冷然清我容黃花媚幽藻  
翠篠隱深松汲飲自綏養相期塵外踪

行石門米堆二山下

石門吾舊歷上與白雲齊猶說堯時市偏令禹蹟逃高高惟鳥道

噉噉有猿啼咫尺米堆麓梅花香滿踐昔年於此探梅

慈應菴

不斷檀欒影陰連千樹梨繞林山秩秩當午風淒淒野衲樵蘇侶  
荒庭麋鹿踐到來心跡冷未覺宦情迷

壽聖寺

青山役民事迴憩此禪堂頗悟勞生理暫時解帶涼香厨甘茗粥  
清籟韻松篁塵市促歸去翻嗟來往忙

金桃產吳江

細桃名昔著仙杏色今同辨味中邊徹叨嘗口腹窮核應留漢武  
李未恠王戎便欲從僧覓香林路可通見西陽雜俎

藤枕

細織藤絲經緯分玲瓏巧組越羅紋提攜詩草函中貯輾轉花香  
夢裏聞一片風漪涼似水兩端髮彩爛如雲洛川留得陳王賦暮  
雨陽臺好薦君

道瘦堂詩編卷第二十五

十四

患毒卧牀偶閱漁洋紅橋遊記漫成一律遣悶

散髮朝朝跣脚卧侵尋十日不窺園曲房時引清風至虛牖閑消  
綠蔭繁一幅畫圖佳境似百年文字勝情存目遊似唱溪紗調白  
鳥朱荷引興籌

片雨

片雨輕雷頃刻過吁嗟愁聽舞雲歌天寧終絕勞民望時已將交  
處暑何無那勤求禱已久要知內省疚應多晴鳩不住林間喚使  
我憂心兩鬢皤

復雨

颯颯颯風至踈踈雨又過灑空惟潤葉聚點不鳴荷祈禱頻乖望  
憂愁久卧疴晚涼清簟滑一覺且南柯

雨

少女來蘋末樹間陰鳥翔友風雲族盛封穴蟻羣忙夜氣侵帷冷  
秋聲動地長老夫欣起舞屋漏任牀牀

比來二首

比來官况劇清貧入幕常無書記賓劉穆百函俱自答陳遵尺素  
各因人弄麀庸使臨文錯舉燭何妨落筆真往復監河侯不絕浮  
沉一任石頭津

比來官况劇清貧那有原思粟與鄰僧孺官財從過恡韋丹私覩  
任相循滿車惹艾翻騰謗百斛胡椒却秉鈞于為于歌徒自唱葵  
心何以達楓宸

何以

浮萍蹤跡任東西或泛清流或染泥何似忘情林際鳥終朝只傍  
短檐棲

題朱鷺濤詩意圖冊子

詩中原有畫讀書即吟詩時代無相讓文心競出奇神來應獨得  
意到自多師此理同三昧從誰一論之

雜詩十首

道腴堂詩編卷第二十五

五

行藏原覺此身輕婚嫁何嘗累向平愛鼓成連水仙採高歌樂府  
董逃行雲浮西北高樓遠日出東南秋色橫投迹茫茫難決計逡  
巡又聽杼雜鳴

何煩孟酒祝豚蹄詎願金吾與執珪長歎登高曾有賦新詩比物  
便無題乳孤元子能存姪作達劉伶不聽妻薄宦一身差自得號  
寒虫若替子啼

朝種神芝暮向榮瑤臺日笑許飛瓊人間覓路尋張碩天半聞聲  
訪佐卿吳衫鸞原工寫韻董雙成自解吹笙蓬萊花鳥春風使祇  
候雲霄傍太清

七月已涉旬日期河漢案戶心星移喚婦逐婦鳩莫應不晴不雨  
雲何居魚倉淺竭魴鯉泣龍湫深秘蜥蜴羈取君巖蜥蜴  
素離慳所稿天心默轉  
會有待民力殄瘁將難支

越角吳根烟景昏秋風辭客幾銷魂菊芳蘭秀懷人久苧葉蘋花  
照眼繁百萬買鄰將不惜十千沽酒亦何論針神刺繡雖工巧也

合襄裳倚市門

風騷誰下頂門針俗學紛紛苦用心獻吉詎如搖鞞鐸子昂端合鑄黃金澄江霞綺真高咏鳴籟華林自雅音若箇江東推獨步雲龍上下願追尋

百里雄雷破曉還兩涯秋草漲溪灣滿帷聽放田中水岸幘來看雨後山歲卜西成將有望農歌南畝乍消閑飛書合報循良守

琴崖先生志喜名亭郡圃間

少耽遊放老逾頑花鳥春來愛我閑折齒何嘗廢歌嘯文身便欲住荆蠻桃源水暖迷孤艇桂渚林香清一山何日同舟與王子歡然為破越人顏

炎炎長夏薄書疎脾病秋來尚未除草履寬衫閑嘯咏藜藿薄粥日清虛夢殘笛簟呼籠鳥客至琴溪餉麥魚且緩催科甘政拙旱餘民力遽難舒

胷中塊壘酒難澆往籍分明衆口噤長慶新詩吟白傳開元雜報道腴堂詩編卷第二十五

六

讀孫樵自知選格由瓊稷誰假仙方種玉苗幾番脚蹶復惆悵海雲江樹望迢迢

絕句

白雲橫灌林明月生幽渚一片敗荷聲因風夢秋雨

論文二首

典論論文魏帝能陸機一賦殫誇矜摯虞已為區流別緣起還勞著彥昇

上論字去聲下論字平聲

雕龍事業本雕蟲賢聖相望述作工試檢蒼厓金石例底須兩卷證檀弓

又雜詩十首

夏甲子雨占不差秋逢甲子雨偏餘不堪旱後還成潦只恐禾頭欲出芽撫字心勞空躑躅迴天力薄但咨嗟祇應上訴祈真宰陰騰吾民保室家

買田淮頴應難必金谷思歸未可期弭迹一官無毀譽告情三上

有文辭早因窘步知塗澀老不中書覺愛弛却憶買臣懷綬日何須畫錦說韓琦

六朝文物最銷魂佳麗江東與細論挾彈婉童矜妙伎分桃小史咏新婚烟花子夜聞歌舫風月前溪製曲村解識陽春二三月水光草色兩無痕

大雅王風久不陳咏懷感遇托詩人平生最惜無名指浮世皆成有漏因邂逅豈期承際會攀援難與奉音塵澗松百尺雖蒼古爭似山苗易得春

若爲假日意悠悠水淨林清作好秋買得雲山在圖畫載將花月入扁舟晚晴愛玩風標鷺漫興閑馴浩蕩鷗菱苒年光琴酒趣親絲肉食不相謀

解弄無絃琴一張閑情不出小書堂幾莖馥郁蘭心素數指玲瓏佛手香秋在草虫林葉露螢飛銀燭畫屏光荒園自可名離垢蘋末風清送晚涼

道腴堂詩編卷第二十五

七

漸覺龍鍾百慮零隨緣放曠養顏齡庭槐便是思惟樹案牘無非般若經物態紛紜常汶汶心源空洞自惺惺雙眸淨洗看兒戲莫眩新粧尹妬邢

烏白啼時冒鬪輿牽牛花上露珠凝誰家楚夢雲初散此際秦樓日漸升爽氣近從西嶺致秋光遙接太湖澄足音門外趺然少幾曲欄杆獨自憑

沐猴而冠牛馬裾紛紛輕薄最愁予門如單父多陽鱗士比荊州少鯽魚空羨王褒能講德不聞闕澤愛攻書食單底用門生議閉戶懸網跡任疎

當時身後莫相輕三事皆堪不朽名鄭五自知全末路瀛王只詡樂平生斯民三代同遺直信史千秋有定評勿謂津迷劉子驥桃源咫尺洞門清

卽事

關山宜蚤發烟水便宵征鞍馬當年興篷窗此日情孤燈波上去

殘月枕邊生無限，閑惆悵風前款。乃聲

山村蚤泊

日出舟山頂，湖天雲半陰。浮嵐如霧雪，濕氣欲蒸霖。溪路標菱蕩，人家隱柿林。不知叢薄裏，泉壑幾重深。

俊逸亭雜冠二首

下若溪頭舊帝家，瓊枝猶見後庭花。風流誰唱南朝曲，豔殺當年

張麗華

紫鳳翻翻弄羽儀，若爲棲向碧梧枝。秋風滿眼閑花草，留伴霜前

好女兒

就中一株宛成風  
形旁有鳳仙數種

舟曉

秋水青簾舫，新涼白袷衣。閑情窺宿鷺，逸尚托漁磯。野草花爭發，風林葉未飛。天涯好時節，心賞莫相違。

歸舟

雲重雨如塵，秋風百里津。雁聲離岸檣，燈影隔船人。歲月青楓冷，

道腴堂詩編卷第二十五

六

江湖白髮新，一聞欸乃曲。永夕坐忘真，

棹歌

月黑烟昏一棹開，浪翻風緊路紆迴。兩來船子不相諾，一喚扳來一喚推。

卽事與沈棹厓

甘載吳興客，往來蒼霅間。空聞妙喜寺，未識上強山。名自皎然著，緣將白傅慳。來年應爾待，相與一躋攀。

摘玉簪花感懷，故姬作

白玉稜稜向夜鮮，一枝摘得意悽然。牙籤架上拋書倦，金粟香中拂席眠。漸老心情猶少日，未寒時節已涼天。依稀却憶當年事，手爲朝雲插髻偏。

沈棹厓見訪留榻前度軒有贈

風日美清秋，園林饒素玩。若非偕勝侶，何以慰拙宦。宛陵有青英，與我原特善。一別倏二霜，今來倍纏綿。陳登氣尚豪，子長跡始徧。

伯業學猶勤長卿遊未倦將臻鄭據年已邁劉真算

香山九老鄭據年八十四劉真年八

十二沈時年八十三

矍鑠哉是翁腰腳爾許健清門人共傾素心天獨眷相留

肯下榻隨身韜筆研自曳大布衣不鄙脫粟飯抵掌論古今往往及家傳行豪詩文稿口絕錢刀貫掉臂隱丹青傲然與世慢空齋張淨几點染弄柔翰短章與尺幅妙趣時時見詩如玉壺冰畫比柴窠片自寫知仁樂共樂山水縣齷齪世上人視此若冰炭此其曰嶠癖彼其曰嵒鍛縱博一生歡詎當翁一吟後庭瓊樹新小山金粟綻與翁陶嘉月談柄代歌扇萬事非偶然勝引堪戀戀重展茲軒圖

丙辰歲曾爲余作前度軒圖

相視一笑粲良會若預期悠然諧夙願

朱鷺濤至與沈樽厓同客前度軒賦贈

兩人一百六十歲杖履蕭然俱白頭老屋東西留二老秋天景物近中秋高情畫筆兼詩筆客夢宣州與蔣州勝引圖成傳好事往來連我亦風流

書泛

道腴堂詩編卷第二十五

九

漾舟值清秋景物固自好纏屬山不斷磬折水還繞木犀送天香溪花破龍爪鼻觀與眼界隨處足幽討所苦困瘍毒遂令興趣少兼之赴期會飛楫促三老兀兀枕席間寢廢食不飽忽思解脫法心安累何擾此身葭中苧此官道傍草一切如是觀等閑弗相黷放眼且流連灑然却煩惱

咏縣庭桂花

連蹇訟閣與書堂幾日秋晴院院香拂帽不辭沾曉露開襟每愛立斜陽是生偃蹇成佳樹而我淹留尚故鄣一誦淮南招隱賦悠然便與世相忘

送沈翁由吳門之廣陵

吳江楓未落明月二分秋去去無拘束貧遊是勝遊

贈高東雅州牧

名崇徽涼州人時知安吉

識君已六年與君稀聚首近聯宦海舟各自羈職守稔知君知津合充官水手同寅雖協恭心跡未細剖今年相見數此復接杯酒

造膝得深談蟬連辰逮酉輪囷露肝膽慷慨急朋友臨賀不負楊  
播州肯易柳患難氣誼真死賤交情久所以遭坎窞有功終无咎  
嗟彼輕薄子紛紛奚足取今朝誓日盟明日忘誰某一毛忤不拔  
千金諾何有擠排反下石予戟動相掎舉眼但此輩古道棄芻狗  
君真君子人有容德乃屋皮裏具陽秋口中置臧否廉不至絕俗  
儉不至露肘慈惠人稱佛愛戴過杜母臭味許我投薄俗習未徂  
嗚嗚歌秦聲仰天聊擊缶

自郡歸

兀兀篷窗底身閑正好眠浸帷看雨細罨岸任風顛半嶺雲噴墨  
中流浪打舷不驚沙上雁翔集自翩翩

漫興

青山臨水曲樹色香無津浪蕩難爲客烟波大有人榜歌流夜月  
漁唱接蕭辰便欲投簪任依依鷗鳥親

夜汎

道腴堂詩編卷第三五

三

廿載朱顏換白頭水晶宮闕白蘋洲消搖清遠圖中月流宕神明  
境裏秋未許龜齡成獨往祇應鴻漸與同游若教不是徵官縛浪  
跡何因滯此州

卽事三絕句

武林城邊午泊舟斜陽歸棹復悠悠來何所聞去何見好似山陰  
王子猷

秋風淒淒秋月輝蘆花如雪冷漁磯吳兒貪唱蘭橈去不覺涼生  
白苧衣

關山溪上夢模糊簟爽衾涼客興孤幾點踈踈篷背雨曉風殘月  
到菱湖

曉月

萬古中秋月何人向曉看露凝青桂冷河耿白榆殘遠岫眉初畫  
新粧鏡蚤安陰晴宵未卜坐待隱西巒

巖家滙望長趨山

百頃湖跌漾中流棹幾經重巖超以忽疊樹黜而青浩蕩菱鋪錦  
參差竹界汀烟波時出沒葉葉小蜻蛉

峴山漾作

菱歌聲散曉風涼葭莢蕭蕭獵岸狂千頃澄波黃叔度四圍山色  
郭河陽清暉滿眼娛遊子白鳥高飛帶日光今識弁峰真面目雲  
中全幅畫屏張

中秋夜登臺時方歸自武林

凌晨曾倚棹此際復憑欄勞者歌其事歸歟愜所歡人間金粟映  
天上玉樓寒良夜真堪卜偷閑笑一官

南溪舟中

劉郎泊上罷晨餐午夢南溪秀嶂寬翡翠鷓鴣過枕席筆蘆詩竹  
滿溪灘秋分風日晴逾暖老多情懷倦少歡半月牽舟無定跡勞  
人職是有司官

梅溪至安吉道中

道腴堂詩編卷第二十五

三

巒嶺非一狀田阪故多曲埂竹半邊陰山亭連架屋潢水秋始溢  
稻畦雨新足野渡低橫舟斷橋高架木湍沙晴有饒澗石散無族  
蒼苔翊鳳林淵源指浮玉名山夙信耳佳景紛觸目豈期叶勝情  
遵希策捷足何時謝塵鞅隨山投寺宿

李衛公祠

在安吉西五里唐武德中輔公柘據丹陽公及趙  
郡王李孝恭奉詔東討一戰而擒之邑人感德立祠

千秋李景武功德至今傳山殿靈旗肅林野菊鮮荒庭猶積石  
公薨後陪葬昭陵詔墳制如  
前澤故事闕安錄嶺山積石  
大王書有建縱橫之術語而魏  
鄭公述懷詩亦云縱橫計不就

隄風

風橫舟難制維梢古岸傍安於漸磐石危莫繫苞桑元豹山中坐  
六朝詩無由似元  
豹縱意坐山中 跋烏霧裏藏波濤誰慣狎不獨是漁商

梅溪郎閣山懷古

宋程文簡公  
嘗卜居於此

曾讀道學傳風欽文簡名千秋三不朽矣屬先生更覽癸辛識  
別業留菽城芙蓉明古水鷗鷺指空亭當年至游堂倦倦劉文成

四時花不斷吟咏有餘情流傳邸閣山山下田可畊規坐此未竟  
實志爲列星祇今祇樹園稱名混難明山下有滌園寺或云是程墳祠之訛我來訪遺聞  
青山白雲橫脚躡企芳躅秋氣何高清

秋杪陪少參曹公東陽太守葉公烏程羅明府佛川寺小憩

幽興從初地清塵奉後車田疇紛擺種湟潦淨沮洳茶版迎騶唱  
禪枝息隼旟提撕幸無隱滿院桂香舒

佛川寺感懷亡友裴魯青明府去年五月與明府過此別後遂成永訣

舊夢青蓮宇秋風紫桂巖那堪傷逝泪觸目臆猶沾美錦人曾被  
金剛偈可拈白楊荒草裏何處哭陶潛

壽聖寺弔越山道人曾主弁山龍華寺

龍華會上闡宗風幾載廬山別遠公法席又開獅子窟剎竿未倒  
象王宮壽聖寺宋端獅子道場往年主席者非人幾至道敗道人苦心經理賴以復興花開五葉三衣在木殞雙林隻

履空何日葛洪川畔訪眼前白塔恨難窮

舟中卽興  
龍華寺詩編卷第五  
三

秋水綠無津清風喜順人歷塘魚翠舞傍榜白鷗馴客興閑逾靜  
時光暖似春眼明葭莢外雲物一鮮新

卽景

雲氣壓城黑飄風吹忽開連蜃見雌霓奮迅走雄雷池添扶寸水  
雨過西南臺空亭坐忘久時有桂香來

行舟

風雨晝瀟瀟孤篷坐寂寥白鷗秋水岸紅樹午山橋淺鳴泉爭沸  
長松雲半銷勞勞行未已幽興遣無聊

巖家墳道中

連岡目脩竹小塢佩平津時見林間影知爲農圃人臨厓愛溪屋  
清曠絕無鄰

移菊二首

匆匆過眼笑流光叢桂香殘菊又黃吏事紛紜稀暇日天涯風雨

幾重陽雲飛隴首初收潦露濕寒塘漸結霜且作放懷消遣計花  
前不厭數飛觴  
別食佳色素情歡珍重移來力不難陶令宅邊應傍柳羅含庭畔  
不鋤蘭數枝閑澹香宜晚一片蕭疎影自寒詎惜金錢買風趣白  
頭顛殺老郎官

道腴堂詩編卷第二十五

道腴堂詩編卷第二十五

三



